

醫方類聚卷之三十二

傷寒門六

傷寒活人書二

痞痞二十一支結三首

滿而不痛名為痞枳桔類投氣自寬谷湯梗也  
關上脉沉知審實若還浮者瀉其肝

結胃與痞關脉須沉若浮者為結熱當服

三黃湯以瀉其肝也惡寒汗出者瀉附心

湯力三黃湯中加  
附子也八十二



下利心中痞結時瀉心服罷病愈期下焦有  
病人難會須用餘糧赤石脂

下利而心下痞服生薑瀉心湯八十九而

利不止者當治其下焦赤石脂禹餘糧活

人書論理中元并生薑甘草只治中焦者

病在下焦須餘糧石脂也

結胃與痞皆應下表未除時莫妄投散痞三

黃并枳實陷胃甘遂與瓜樓

表證未除者當先解表表解乃可攻痞活

人書惡寒問中云傷寒大下後復發其汗

心下痞而惡寒者表未解也未可攻痞當

先解表表解乃可攻痞兩項事體一同

解表桂枝湯九攻痞三黃湯八十一外證未解心下妨

悶者謂之支結關脈宜柴胡桂枝胃脇滿

微結者小柴胡湯四十一發熱嘔吐下利汗

出而痞者大柴胡湯下表證罷身涼不惡

寒汗出發作有時頭疼心下痞引脅乾嘔

短氣十棗湯百發汗吐下後心下痞噫氣



不除旋復代赭湯為良百四十八有此證而或咳逆氣  
 虛者先服四逆湯胃寒者先理中元次服  
旋復代赭湯百四十六

### 結胃二十二 二首

脉浮者不可下宜先服小柴胡湯表解然後用下結胃等藥也

傷寒本是三陽證下早因而有結胃陰證下

之成痞氣依方調理有神功

結胃五種須分別大小結胃并水結胃實結

胃煩躁多寒實結胃渾不熱

大結胃大陷胃湯百二十五論云此藥太峻不可輕

用若不得已即用大陷胃元百二小結胃

小陷胃湯百二十七水結胃小半夏茯苓湯八十四

百二十七熱實結胃心下懊懣煩躁煩渴大陷胃湯百二

十寒實結胃三物白散百九十九證治論

云諸結胃宜斟酌用藥不愈痞桔梗枳谷

四未成結胃急與理中元若大段為醫轉

損有厥逆證者兼與四逆湯婦人有血結

胃此為熱入血室當刺期門穴與小柴胡湯三十

六 若喜忘小腹滿小便利屬抵當湯百二十四亦載讞

煩躁二十三 一首寸關脈浮身熱而煩者太陽證脈也

尺寸俱沉手足厥自利煩躁者乃少陰證脈也

陰氣忽為陽氣勝熱而煩躁太陽經少陰亦有煩躁者此是陽虛陰所乘

太陽無汗煩躁大青龍湯渴者五苓散百

無熱但狂言煩躁五苓散吐心中悸而煩

躁小建中湯九自汗心煩小便數者不可用桂

枝宜芍藥甘草湯七十七五七日不大便繞臍痛煩

躁發作有時此有燥屎也屬陽明宜承氣

湯之類隨輕重下之 少陰心煩不得卧

黃連鷄子湯百一十七吐利手足逆冷煩躁欲死者

吳茱萸湯百七下利咽痛胃滿而煩猪膏湯百

下利欬而嘔渴煩不得卧者猪苓湯百四惡寒

而倦時時自煩欲去衣被大柴胡湯三十一若陰

病發躁謂之陰躁或陰毒之病危篤而用

火熨之或進熱藥而發煩躁不可妄投涼



藥煩躁甚者宜再與熱藥如四逆湯陰盛

者霹靂散主之引飲者非也

嘔吐二十四之首大抵水穀不下謂

咽而出曰吐已下咽而出曰嘔

大凡嘔吐屬陽明須要陽明氣下行若是上行為氣逆胃家由是不和平

胃家有熱難停食胃冷無緣納水漿二證皆令人嘔吐嘔家聖藥是生姜

孫真云生姜是嘔吐聖藥嘔家證甚多然

小柴胡專主嘔也傷寒後有餘熱在

胃腕而嘔者竹葉湯加生此不獨差後可

用應有熱證而嘔者用之佳嘔而胃滿

者吳茱萸湯得湯反劇者小柴胡也三十

金匱方穀不下而嘔吐者小半夏湯胃中

似喘不喘似嘔不嘔似噦不噦徹心憤憤

然無奈者生姜汁半夏嘔而渴者猪苓湯

先嘔後渴者此為欲解急與之水先渴後

嘔者為水停心下無屬飲家柴胡不中與也赤茯苓湯百七十一活人書謂吐食為嘔吐水為吐也渴欲飲水水入即吐名曰水逆五苓散百八十五發汗後水藥不下者為逆小半夏湯八十五寒多而吐者理中湯不飲水而吐者湯中去朮加生姜方第五十九嘔噦手足逆冷者小橘皮湯嘔噦虛煩者大橘皮湯二件並載咳逆條

頭汗出二十五 一首

要知頭汗非陰證劑頸而還是發黃心下滿時名水結曾經汗下別推詳

發黃茵陳湯百七十五茵陳五苓散百九十二水結小半夏湯八十

四應有餘證及半在裏半在表者小柴胡湯三十

六汗下後胃脇滿結小便不利往來寒熱

心煩者宜柴胡桂姜湯四十四

可水不可水二十六 一首仲景云得病反能飲水此

為欲愈後人感此見其發小渴者使病人盡意飲之因成其禍不可勝數

大渴飲時能一斗常令只與二三升若還不



與非其治強飲無疑別病生

飲水過多水停心下氣上乘心則為悸為喘  
結於胃脇則為水結胃 胃中虛冷則為嘔為噦  
冷氣相搏則為噎上迫於肺則為欬嗽  
瀆腸中則為利 邪熱所薄畜於下焦則為小便不利  
小腹滿或裏急溢於皮膚則為腫以此知不可強飲明矣  
全不與水則發喘而死則又非其治也

漱水不欲嚥二十七 一首

陽明口燥苦頭疼水不下咽將衄血瘀血停  
留定發狂病家外證無寒熱

陽明身熱頭疼者必發衄脉微者

犀角地黃湯百

三十三茅花湯百四十四外證無寒熱者必發狂此瘀

血停留也輕者

犀角地黃湯百三十三甚

者抵當湯百二十四取盡黑物為度

背惡寒二十八 一首

背上惡寒人少會少陰之病口中和三陽合  
病口乾燥以此區分免薦瘥

口中和附子湯百口乾燥白虎湯

吐血二十九一首附膿血

皆因邪熱中三陽當汗醫家失料量熱毒入深留五藏故成吐血可驚惶

言當汗而失汗也遂致熱毒入深故吐血

也瘀血甚者抵當元百輕者桃仁承氣兼

服犀角地黄湯證治論三黃瀉心又藥皮

五十七又地黃散大下後寸脉沉遲尺脉不

至咽喉不利唾膿血者麻黃升服桂枝湯

吐者其後必吐膿血犀角地黃湯

衄血三十一首千金鼻病論云凡時

二升以上恐多者可斷印以龍骨末吹之九竅出血者皆可用

太陽衄血病將解衄後仍將麻審詳有汗脉

浮須用桂緊而無汗用麻黃

桂卽桂枝湯也方第麻黃卽麻黃湯也方第

一太陽病自衄及服諸表藥後自衄者爲

欲解也有汗脉浮再用桂枝湯脉微者犀

地黃湯無汗脉緊再用麻黃湯三黃湯又黃芩芍藥湯百七而渴欲



飲水水入即吐先服 屈苓散百次竹葉湯八十五

大抵陰證無緣有血少陰證但厥而無汗

強發之必動血動血者死或出口鼻或出

耳目也是謂下厥上竭

多眠三十一 一首

多眠四證先看脉若是風溫情嘿嘿太陽外

證欲解時更有少陰與狐惑

脉浮自汗風溫也 葦蕤湯百六十五 脉細者太陽

外已解也 小柴胡湯三十六 但浮無汗者 麻黃湯一 沉

細者少陰也 四逆湯十九 狐惑 自本條

不得眠三十二 二首 傷寒差後不得眠者何也蓋熱

氣與諸陽相并陰氣未復所以病後不得睡也

太陽大汗胃中乾躁悶虛煩不得眠下後更

加重發汗夜間安靜晝煩寃

渾身大熱仍嘔乾錯語呻吟睡不安吐汗下

之心懊懺精神顛倒更虛煩

太陽大汗出胃中乾欲飲水者少與之胃

中和則愈脉浮小便不利而渴者

五苓散百下後復發汗而不得眠者無表

八十五證脉沉微可與乾姜附子湯汗下後仍不

解煩躁者茯苓四逆大熱乾嘔錯語呻吟

黃連解毒湯吐汗下後心懊懣虛煩顛倒

百六十八酸棗湯百

梔子豉湯吐下後晝夜不得眠酸棗湯百

少陰二三日已上心中煩不得眠黃連雞

七下利而渴不得眠猪苓湯大凡寒傷

差後不得眠梔子烏梅湯

潮熱三十三一首脉浮弦而惡寒者皆屬表證也

已成下證熱須潮病在陽明裏欲焦若有結  
胃并表證莫將承氣胃中調

大承氣湯證云其熱不調未可與也則知

潮熱當下無疑矣設當行大承氣湯亦須

先與小承氣若不轉失氣者不可攻之詳見

承氣湯後發熱復硬者大柴胡湯若有表

證或大便溏利欬逆等證皆小柴胡湯結

胃潮熱屬大陽也大陷胃湯日晡發熱實

者下之宜承氣湯屬陽明承氣湯三十

虛者汗之宜桂枝湯屬陽明承氣湯三十



冬陽明病脉浮緊者必發潮熱發作有時

脉但浮者必有盜汗黃芩湯百六

發熱三十四 二首發熱而渴自汗不惡寒者名風温也

自有本條

大陽發熱惡風寒汗出陽明胃汁乾嘔逆頭

疼身發熱醫師當作少陽看

太陰厥陰皆不熱唯獨少陰良有說陰證發

熱自不同脉沉下利四支厥

太陽惡風有汗桂枝湯九惡寒無汗麻黃湯一陽明

汗出脉浮桂枝湯九脉實者調胃承氣湯三十四少陽一

證並小柴胡湯三十六無表裏證發熱七八日脉

雖浮數大柴胡湯三十一假令已下後復脉數不

解消穀善飢不大便者有瘀血也抵當湯百二十

四少陰脉沉發熱者麻黃細辛付子湯五下利清殺

裏寒外熱手足厥脉不出者宜通脉四逆湯五十一

身熱不欲飲水者謂之表熱小柴胡加熱桂三十七

而口燥煩渴者謂之裏熱白虎加人參湯百二

不可表三十五 一首應下而汗者為亡湯為讖語為

下厥  
上竭

脉弱無陽遲少血濕溫何逆與虛煩婦人經水適然下動氣虛家汗最難

脉弱者無陽也桂枝二越婢一湯二十二尺脉遲者血

少也先以黃耆建中湯以養血脉尚遲者

再作一劑次用小柴胡湯桂枝二越婢一

湯和解之三方並載熱濕溫本條有何逆者

乃四種壞病也各有本條溫虐諸虛煩熱

自有婦人經水適下發汗則鬱胃不知蓋

緣表裏皆虛也小柴胡湯動氣不可汗仍

不可下證治論用柴胡桂枝湯在左發汗則

頭眩汗不止筋惕肉瞤此為難治及自有

條在右發汗則衄而渴心苦煩飲則吐水

先服一二服五苓散百次服竹葉湯在上

發汗則氣上衝正在心端李根湯百在下

發汗則無汗心中大煩骨節疼頭痛目運

惡寒食而反吐穀不得下前先服湯大陳皮

吐止後服小建中湯九十



虛家六證

一咽中閉塞 二咽喉乾燥 三亡血

四衄家 五淋家 六瘡家皆不可表宜

小柴胡湯三十六誤汗後諸危惡證並載於死証條下

汗後惡寒三十六 三首 汗後發熱附汗後寒熱附

汗後惡寒宜芍藥脉沉發熱下尤良四支疼

倦仍兼利厥逆須投四逆湯

汗後渾身熱似炮精神狂亂語譊譊更加不

食脉躁疾醫經号曰陰陽交

汗後依前寒熱者仍須看候脉何如若還有

表重加汗裏證終當下即除

發汗宜用 麻黃湯 即宜用 大柴胡湯三十一

芍藥者乃芍藥甘草附子湯 七十陰陽交

交者死言發汗後不為汗衰脉準前躁疾

者若汗後脉靜者生 汗後發昏而熱不

退狂言者承氣湯下之立愈未差再服

不可下三十七 一首應汗前自為痞為結胃為懊憹

脉浮有表并虛細嘔吐惡寒無失氣大便堅

硬小便清或少或多或自利

脉浮者為有表也不可下

太氏脉浮而惡寒者為有表也

表證未罷不可下

脉虛

細王叔和云不可吐虛

細不嘔吐仲景云嘔多雖有陽明證切不可下

惡寒者大陽陽明合病屬表可發

汗若是少陰證宜溫之無失氣者謂不轉

失氣也依潮熱條大承氣湯法及藥評承

氣湯條下法

大便堅而小便清者知不

在裏也

桂枝湯九大便堅而小便少恐津液還

入胃而先鞭後澹也每日三四行今日再行此津液還入胃不久當自大便也 大

便堅而小便多其脾為約

詳見小便數條及三陽合病條

陽明病目汗出而小便自利者津液內竭

也可用蜜導煎法

方載小便自利條下小便自如乃

可攻之謂如常也每日三行今日亦三行

不多不少故曰小便自如也方可下 諸

氣在右下之則津液內竭咽燥鼻乾頭眩

心悸宜

竹葉湯百五

諸動氣諸虛家厥逆皆不



辨別

世

可下 動氣在左下之則腹裏拘急不止

動氣反劇身雖有熱反欲拳先服 甘草乾

二次服 少建中湯九十 動氣在上下之則掌握熱

煩身熱汗自泄欲水自灌 竹葉湯 動氣在

下下之則腹滿卒起頭眩食則下清谷心

下痞堅 甘草瀉心 咽中閉塞不可下宜 烏

湯百七厥逆 當歸四逆 虛家 附子湯百

下後有熱三十八 三首 汗後惡寒差

食復

汗後陽微即惡寒下之陰弱還生熱皆緣醫者誤調停致使病家多失血

發汗則損氣損氣則脉微故惡寒也 四逆

九惡寒條中用 芍藥甘草 人下之則傷血

傷血則脉濇故發熱也 亭歷苦酒湯 此皆

仲景所謂不當汗下而誤汗下者故有此

二證也致有失血者血本屬陰得氣而流

因下之亡陽陽不主陰寒氣加之所以脉

濇此下之之過傷其血也

曾經下後身猶熱漸覺心中成痛結香豉梔子恰相宜去病還如湯沃雪

大下後身熱不去心中結痛梔子豉湯主之百十二

傷寒差後熱還生因食因勞輒動經脉實下

之浮即汗大黃鼠糞最温平

差後發熱謂之遺熱小柴胡湯三十六脉實者下

之大柴胡湯三十一大小柴胡湯三十一脉浮者汗之麻黃承氣湯三十二

湯證治論用胡柴枝渴者五苓散百八

下利腹中雷鳴痞滿生姜瀉心勞復枳殼梔子湯八

湯百一十三麥門冬湯百三十七鼠糞湯百三十五鼠矢豉湯百三十四竹皮湯治交接勞傷外腎腫腹中食復枳殼梔子湯加大黃百一

四十

熱多寒少三十九一首若脉浮緊雖

自可發汗或遲或弱皆不可也

熱多寒少分三證不嘔清便各半湯尺脉尚

遲為血少脉皆微弱号無陽

清便者大小便如常也桂枝麻黃各半湯二十四尺脉

遲者黃耆建中湯九十一脉尚遲再作一劑次第用



類聚三十三  
十一  
十五

類聚三十三

小柴胡湯三十六桂枝二無陽者桂枝二越婢一

湯二

乾嘔四十 一首一名晚謂嘔而無物出也

嘔而無物名乾嘔下利三般屬少陰脇痛頭疼并水氣个中自是少知音

少陰下利三證 利不止厥逆無脉乾嘔

煩者白通加猪膽汁脉微者白通湯裏寒

外熱脉微欲絕或乾嘔者通脉四逆乾嘔

吐涎沫頭痛者吳茱萸湯得藥而反劇者

小柴胡湯 汗出頭痛乾嘔者桂枝心下有

水氣乾嘔發熱者屬表小青龍湯身凉汗

出兩脇痛乾嘔短氣不惡寒此表解裏未

和也 鬲上有寒飲乾嘔者可温之四逆湯四

十證治論乾嘔而利者黃芩半夏生

傷寒不得汗四十一 二首

傷寒躁盛身無汗或用麻黃汗不行此是諸

陽之脉極百中無一可全生

若還無汗渾身痒脉更浮遲本屬虛自是無

類聚三十一  
十一  
九  
七

陽難作汗建中木附載醫書

無陽身痒桂枝麻黃各半湯二十四陽明主有汗今反

無汗如虫行皮中木附湯百六十汗不流

是汗出時蓋覆不周汗出不勻致手足腰

背攣搐也用牛蒡根散百九十

頭疼四十二 二首

惡寒發熱太陽經惡熱頭疼胃氣蒸脉細而

弦兼發熱少陽頭痛自分明

三陰本沒頭疼痛若有頭疼屬厥陰非次頭

疼涎作病心煩鼻塞濕家尋

太陽惡寒發熱頭疼無汗麻黃一有汗桂枝湯九

已發汗未發汗頭痛如破者連鬚葱白湯

百三不已者葛根葱白湯七十一陽明頭疼胃氣所

蒸也調胃承氣湯三十四少陽頭疼小柴胡湯二十六涎病

頭疼瓜蒂搐鼻法二百十二痰證濕家鼻

塞頭疼瓜蒂搐鼻法二百十二出鼻中黃水即愈

厥陰頭疼脉必微浮浮者欲愈也不愈者小建中

湯九外證發熱似虐者欲愈也宜桂枝麻黃各半



湯二活人書云二陰無頭疼唯厥陰有頭  
疼至吳茱萸證却云乾嘔吐涎沫頭疼屬  
少陰以此論之少陰亦有頭疼但稀少耳  
孫真人云少陰傷寒不壯熱不頭疼其稀  
少可知少陰身有熱而無頭疼厥陰有  
屬陽証無疑矣

百合四十三 一首 百脈一宗悉致其  
病無復經絡也故

謂之百  
合傷寒

坐不能坐行不行寒又無寒熱無熱飲食美

時不美時百合少人知妙訣

百合知母湯百七十二百合地黃湯  
百六十二百合洗方二百二十五

腹脹四十四 腹脹訶

問君腹脹是如何只謂陰陽氣不和若是曾  
經汗吐下依方調治莫蹉跎

腹脹者何也陰陽不和也桔梗半夏湯最

良二百二仲景云太陽證發汗後腹脹滿

者厚朴半夏甘草人太陽證下後心煩腹

脹滿卧起不安者梔子厚朴湯吐後腹脹

類聚三十三  
卷之六

滿者調胃承氣湯三十四

小便不利四十五  
二首自利及利小便

便一首小便數而不快一首溺血附

傷寒汗下亡津液故使胃中乾燥極法主小

便多不通醫家反利名為逆

熱在下焦偏喜飲小便又却不通時脉浮自

屬五苓散沉脉猪苓亦頗宜

汗下後亡津液胃中乾極故小便不利醫

見不利往往利之誤矣若得小便利者病

必自愈但不可用藥行之也熱在下焦

小便不利脉浮者五苓散百脉沉者猪苓湯百

四表不解心下有水發熱而咳小腹滿小

便不利小青龍人麻黃加翁翁發熱頭頂

心痛小便不利桂枝去桂加茯苓嘔而發熱

胃脇滿心下怔怯小便不利小柴胡去黃

四十七少陰小便不利四逆散加茯苓

陽明經病饒多汗切戒醫家利小便若是發

黃并中濕是中專以利為先



傷寒論卷之三十三  
二十七

傷寒有所不利者行之取其滲泄也大病

者後從腰已下有水氣者牡礪澤瀉散百六十此利

水道滲泄之義也發黃中濕各有本條小便難而黃

者陰虛為陽所湊中有熱也故小便難而

黃萬全木通散百九十四小便難者太陽病汗後漏

不止惡風四支拘急難以屈伸小便難也

桂枝加附子湯十陽明中風脈弦浮大短

氣腹滿脇下及心痛鼻乾不得汗嗜臥身

黃小便難潮熱而噦者小柴胡加茯苓湯四十三發黃條通

小便自利者太陽證下焦有熱小腹必滿

小便不利而反利者下血證也抵當湯百二十四

陽明證自汗出應小便不利而反利者津

液內竭也屎雖硬不可攻之宜蜜煎導法二百十四

猪膽導法二百十五少陰證四逆而小便自利者虛

寒也四逆湯四十九真武湯去茯苓百五十八

膀胱與腎盡皆虛客熱從虛由此入虛則令

人數小便熱則小便行道澁跌陽澁與浮相

搏瀼主腎虛便溺數浮為胃實大便鞭方書

頁三十三  
二十一

所論為脾約

經云大抵洩數則大便難也脾約元二百三亦見三陽

合病太陽太陽病自汗四支拘急難以屈

伸心煩微惡寒脚攣急若小便數者切不

可行桂枝也宜與甘草乾姜湯七十二太

陽病汗吐下後小便數大便因鞭者小承氣湯

利之類傷寒自汗脉浮小便數而胃不和

譏語者少與調胃承氣湯四十四尿血證治論用胡

索散二百二仲景云趺陽浮濇少陰脉如經也

其病在脾法當下利注云脾虛不能制水

腎氣平和故少陰如經也浮則胃熱濇則

脾寒所以不能刻消水穀故下利也與前

所論不同下利則依下利條隨冷熱治

脾約者依本條治

藏結四十六一首狀如結胃飲食如

上白胎者是也

飲食如常時下利更加舌上白胎時連臍痛

引陰筋者藏結元來死不醫



無陽證不往來寒熱一云寒而不熱其人  
反靜舌上白胎者不可攻也可刺關元穴  
仍與小柴胡湯  
三三六

傷寒表裏證論

腹痛四證虛陰實太陰亦有腹痛載三陰三  
陽譌中太陰條

仲景云尺脉弦而腸鳴泄利腹中急痛者

虛痛也先與小建中不差者小柴胡湯三

去黃芩加芍藥關脉實腹滿大便祕按之而

痛者實痛也桂枝加大黃湯十黃連湯百

太陽病醫反下之因尔腹痛是有表復有

裏仲景用桂枝加芍藥湯十一即是小建中湯也痛

甚者加大黃方載三陰三陽及表裏俱少

陰腹痛或泄利下重四逆散四逆加芍藥五通脉

腹痛小便不利真武湯百若六七日腹脹

不大便急下之小承氣湯三十二大

動悸九證

水氣承心振寒而悸茯苓甘草湯七十六傷寒二三

日心中悸而煩湯九十發汗臍下悸欲作

奔豚自條發汗過多心下悸欲得按者桂枝

甘草湯十四發汗出仍發熱心下悸身瞤動振

振欲擗地真武湯百脈結代心動悸炙甘草湯

七十少陽不可發汗汗則譫語此屬胃胃

不和故悸小柴胡湯中風往來寒熱或心

下悸小柴胡湯厥而心下悸悸者怔忡也

宜先治水茯苓甘草湯次治其厥自條

舌上白胎此丹田有熱也藏結

脈陰陽俱緊口中氣出唇口乾燥足冷鼻

中涕出舌上胎滑者勿妄治也到七八日

以來微熱手足溫為欲解或八日已上反

大熱者為難治惡寒者必欲瀉也小柴胡去

半夏加人參括腹中痛者必欲利也理中丸

十陽明病脈浮而緊咽燥口苦腹滿而喘

發熱汗出不惡寒反惡熱身重若下則胃

中虛客熱熏鬲心中懊懣舌上白胎者梔

鼓湯吐之脇下鞕滿不大便而嘔舌上白



胎者亦屬陽明小柴胡湯胃氣和汗出而

解

奔豚

所以多用桂者以桂能泄奔豚故也

從小復上衝心者桂枝湯十六桂枝加桂太陽病下之

後氣上衝者桂枝湯九若不發汗後臍下

悸者欲作奔豚茯苓桂枝甘草大棗湯百廿八吐汗下後心

下逆滿氣上衝胃起即頭眩其脉沉緊發

汗則動身振振搖者茯苓桂枝白朮湯百二十九

表裏證 發熱 有水 惡寒 身體痛

身熱不渴為表有熱小柴胡加厥而脉骨

為裏有熱白虎加人參湯百二黃帝所謂發表不遠

熱攻裏不遠寒也又一云身熱口燥煩渴

為裏有熱白虎加人參湯百二乾嘔微利發熱而欬

為表有水小青龍加藁花二十七身體涼表證罷欬

而脇下痛為裏有水十棗湯百四十五發熱而惡

寒者發於陽也表惡寒麻黃湯一桂枝湯九小柴胡湯三十

六無熱而惡寒者發於陰也裏惡寒附子湯百

八十三四逆湯四身體痛發熱頭疼而脉

浮者表未解也麻黃湯一身體痛自利而脉沉者裏不和四逆湯四十九

表證論浮脉

發熱惡寒身體痛而脉浮者是也浮屬陽也素問云寸口脉浮而盛曰病在外外者表也寸口脉浮而緊曰病在中中者裏也仲景云脉浮者病在表可發汗又曰表有病者脉當浮又曰結胃證脉浮者不可下則知脉浮屬陽證無疑矣惡寒者

表之虛屬太陽宜汗也

裏證論手足心汗

不惡寒反惡熱手掌心并腋下濺濺汗出胃中乾咽燥糞結聚潮熱大便鞭小便如常腹滿而喘或譫語脉滑而沉者裏證也仲景云手足濺然汗出者大便已鞭也傷寒欲下而小便少手足心并腋下不滋潤者不可攻也裏證者內熱是也內熱者裏之弱屬陽明宜下之



表裏俱見證

傷寒脉浮大是表證當汗其人發熱煩渴  
 小便赤却當下此是表裏俱見五苓散百八十五  
 仲景云中風發熱六七日不解而煩有表  
 裏證渴欲飲水水入即吐名曰水逆五苓散百八十五  
 當下其人小便清者知不在裏仍在表却  
 當汗此兩證俱見桂枝湯九病人心中滿不欲  
 食大便鞭脉沉細是裏證當下其人頭汗

出微惡寒手足冷却當汗此兩證俱見柴胡湯三  
 太陽病表證未除而醫數下之遂  
 協熱而利利不止心下痞鞭謂之表裏不  
 解桂枝人參湯十五太陽病醫反下之因尔腹痛  
 是有表復有裏桂枝湯十一痛甚者桂枝加大黃十  
詳見腹痛條太陽病桂枝證誤為醫下之利遂  
 不止脉促者表未解也喘而汗出者葛根黃連湯六十八  
 此皆仲景治傷寒有表復有裏學  
 者當以意推之

無表裏證

傷寒四五日後以至過經十三日謂之過經無表證又於裏證未可下者但非汗證亦非下證者皆用小柴胡湯隨證若用之不愈而大便鞭有表證者大柴胡湯下仲景云七六日目中不了了睛不和無表裏證發熱大便難七八日脉雖浮數可大柴胡湯下之也假令已下而脉數不解消穀善飢至六七日不大便者有瘀血也抵當湯百

血證少陰病始得之反發熱脉雖沉以麻條附子湯若二三日常見少陰無陽證者微汗之五若二三日常見少陰無陽證者麻黃甘草附子湯微發汗四此二證又非表裏之所能拘不可不知也

表熱裏寒表寒裏熱

病人身大熱反欲得衣熱在皮膚寒在骨髓也仲景無治法宜與陰旦湯百寒已次以小柴胡湯加桂以身大寒反不欲衣寒在皮膚熱在骨髓也仲景亦無治法先與



白虎加人參湯百二熱除次以桂枝麻黃各半湯表熱裏寒者脈須沉而遲手足微厥下利清穀此裏寒也所以陰證亦有發熱者此表解也逆湯四十九通表寒裏熱者脈必滑身厥舌乾已所以少陰惡寒而倦此表寒也時時自煩不欲厚衣此裏熱也大柴胡湯下之三十一此仲景之餘議也少陰惡寒而倦或有從足傍者蹠音拳言手足拳縮也此理亦通故兩存之煩躁條通

陰盛陽虛陽盛陰虛陰盛陽虛汗之則愈下之則死陽盛陰虛陽盛陰虛下之則愈汗之則死

陰盛則外寒陽虛則外寒屬表故表證條云外寒者表之虛汗之則愈也陽盛則內熱陰虛則內熱內熱屬裏故裏證條云內熱者裏之弱下之則愈也外臺云表病裏和汗之則愈表和裏病下之則愈蓋謂此也古人云病有標本治有先後也

陰陽毒

陰獨盛而陽暴絕則為陰毒若陽獨盛而陰暴絕則為陽毒大凡陰陽離絕非大汗不能復其正氣也六脉俱洪大或沉取之大而不甚疾者非陰證也陽毒其脉當弦而洪數陰毒其脉沉細而疾陽病則身熱而無汗陰病則身冷而有汗岐伯云陽勝則身熱腠理閉喘促為之俛仰汗不出而熱陰勝則身寒汗出數慄而寒寒則厥此證不可以常法治之金匱論陽毒之為病

面赤斑斑如錦文喉咽痛唾膿血五日可治七日不可治陰毒之為病面目青身疼狀如被打喉咽痛死生與陽毒同

陽毒

陽毒已深脉洪大內外結熱舌卷焦黑鼻中如煙煤宜用法水漬傷寒一二日便成陽毒或服藥吐下後變成陽毒身重腰痛煩悶不安狂言或走或見鬼或吐血下利赤黃其脉浮大而數而赤斑斑如錦文咽



喉痛唾膿血五日可治至六七日不可治  
陽毒升麻湯主之百五十三  
咽痛玄參升麻湯甚者或有踰垣上屋

### 陰毒

陰毒已深疾勢困重六脉附骨取之方有按之即無一息八至已上或不可數宜用葱熨法二百十八傷寒初病一二日便結灼艾法二百十七  
成陰毒或服藥六七日已上至十日變成陰毒身重背強腹中絞痛咽喉不利毒氣

入心心下堅強短氣不得息躁渴虛汗或時鄭聲嘔逆下利身如被杖唇青面黑四肢厥冷其脉沉細緊數仲景云此陰毒之候五日可治至六七日不可治也陰毒甘草湯主之百五十一

### 厥

陽厥當下陰厥當溫下證悉具而見四逆者是失下後血氣不通四支便厥也

厥有二證有陽厥有陰厥仲景所謂熱深則厥深也蓋陽極則發厥也不可一例作陰證治之初得病而身熱至三四日後

熱氣方深大便秘小便赤或譏語煩躁昏  
 憤及別有熱證而反發厥者陽厥也急用  
 大柴胡湯三牛一大承氣湯  
 三十三小承氣湯三十二  
 隨輕重用之  
 若大段輕者百一白虎湯  
 初得病身不寒熱大  
 便不祕引衣自蓋或下利或小便數無熱  
 證而厥逆者陰厥也  
四逆湯四十九理中湯五十九通脈四逆湯五十四當歸四逆加  
茱萸生薑湯五十五  
 陰陽二厥脈皆沉  
 所以使人疑也陰厥脈沉遲而弱陽厥脈  
 沉而滑或云緊又陽厥指爪時一溫陰厥

常冷也  
證治論云若兩脈不見者只以外證辨冷熱也  
 若未辨陰  
 陽者且與四順元試之若是湯厥便當見  
 熱證若是陰厥則不發熱矣  
方見明  
 手足  
 指頭微寒者謂之情清  
音  
 此疾為輕只可服  
 理中之類已成厥者則用四逆也  
 脈不  
 至者通脈四逆等湯  
 厥而脈乍結者邪  
 氣結在胃中也亦令人厥  
瓜蒂散吐法  
 厥  
 而怔忡者有水也宜先治水屬厥陰  
見心  
 藏厥  
詳見死  
 證條下



傷寒遺事

戰汗四證

厥陰逆至第六七日脉得微緩微浮爲有脾胃脉也故知脾氣全不再受尅邪無所容否極泰來榮衛將復水升火降則寒熱作而大汗解矣

黑奴圓證服藥一丸但與冷水盡足飲之須臾當寒寒竟汗出而解

小柴胡證具而以他藥下之柴胡證仍在者

復與柴胡湯此雖已下之不爲逆得湯必蒸蒸而振發熱汗出而解

調胃承氣湯證云太陽病未解脉陰陽俱停必先振慄汗出而解

急下兩證

少陰主腎繫舌本傷寒熱氣入於藏流於少陰之經腎汁乾咽路焦故口燥咽乾而渴宜急下之非若陽明證宜下而可緩也雖然陽明宜緩而有一證發熱汗出多者亦急下之

蓋陽明屬胃汗多則胃汁乾亦須急下之少陰

證口燥咽乾謂之腎汁乾宜急下之陽明證發熱汗多謂之胃汁乾亦急下之

### 傷寒傷風誤下成痞

傷寒傷風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也甘草瀉心湯主之屬太陽  
三陰可汗

陰病不當發汗發汗即動經然太陰脉浮少

陰發熱亦須微微出汗但不可正汗耳太陰

脉浮者宜桂枝湯少陰發熱脉沉宜麻黃細辛

少陰二三日常見少陰證無陽證者宜麻黃細辛

附子湯微發汗皆陰證表藥也

### 差後昏沉

傷寒差後十數日或半月二十日終不惺惺常昏沉以失精神言語錯謬又無寒熱醫或作鬼祟或作風疾多般治之不差或朝夕潮



熱煩赤或有寒熱似虐皆緣發汗不盡餘毒  
在心胞絡間所致也知母麻黃湯主之習久

飲酒復劇

傷寒時疾三日已汗解因飲酒復劇苦煩悶

乾嘔口燥呻吟錯語不得臥黃連解毒酒主之

循衣摸床

傷寒若吐若下後不解不大便五六日以上

至十餘日日晡即發潮熱不惡寒獨語如見

鬼狀若劇者發則不識人循衣摸床惕而不

安微喘直視若微者但發熱譫語大承氣湯主之若

一服利則止後服脉弦者生脉濇者死

傷寒別名

陰陽易病附

語無倫者曰譫語實則譫語也外證大便秘

小便赤 聲重曰鄭聲虛則鄭聲大小便利

而手足冷也 下洩曰轉失氣 大便堅小

便利曰脾約 得大便曰更衣大便如常曰

清便身調或云水穀不化曰下利清穀下

利曰飧洩 痔曰腸癖腸僻謂痔也素問云

飲食自倍腸胃乃傷活人書云此大陰受病

下為殮洩久為腸僻見藏府受病條傷寒病十三日

日過經長虫曰蚘蚘即蛔虫也陰病發躁

曰陰躁屬少陰手足逆冷曰厥有陰厥陽厥

二證手足指頭微冷曰情屬二陰肌膚冷或

下利而發躁無時晡安曰藏厥不治兩手

無脉曰雙伏一手無脉曰單伏男子病

新差而婦人與之交曰陽易婦人病新差而

男子與之交曰陰易燒棍散百八十四殺鼠糞湯百三十五竹皮湯

百七十七男子則陰腫小腹絞痛婦人則裏急腰

跨連腹內痛其人身體重熱上衝冒頭重不

能舉眼中生花或曰生眇四肢拘急小腹絞

痛手足拳百節解離經脉見者皆主死一呼

一至日損脉離經大過曰至不及曰損一呼

三至曰至脉离經二脉唯陰陽易病有之

發汗吐下温針後病不解此為壞病又曰何

逆何逆有四種或變為温虐或變為風温或

為温毒或為温疫也發汗後汗不止曰漏



風漏風亦亡陽別名也 大下之後損陰傷

血亦謂之亡陽見下後大陽病桂枝證而投

麻黃汗出多遂漏不止曰亡陽 發狂條有

因火劫驚狂謂之火邪其人亡陽 尺寸肝

緊主無汗今反有汗者曰亡陽大抵陰病主

無汗今有汗者亦亡陽也 三月至夏方發

曰晚發見熱病條冬應寒而反大溫人暴感之而

病曰冬溫見疫癘條非時暴寒伏於少陰之經咽

痛下利曰腎傷寒 發汗後仍灼熱自汗曰

風溫係何逆之數也 中暑曰中暍 感不

時之氣而病老幼皆相似也俗謂之天行即疫

也發濕溫汗者曰重暍重暍者死 溫病汗

出徹後發熱而脉躁疾不為汗衰狂言不能

食曰陰陽交交者死也評熱論云發熱脉躁

狂言不能食謂之三死 熱疾脉躁盛不得

汗者死曰陽極 已得汗而脉躁盛者死大

都汗後脉躁盛者皆主死也 病差後更發

熱曰遺熱 病差後勞動再病曰勞復 病

差後食肉再病曰食復熱病已愈多食而有所遺曰遺岐伯曰食肉則復多食則遺活人書謂遺熱毒問熱論注曰如遺之在人也愚恐謂遺者大小便不禁也亦嘗見病差後善飲食而大小便不禁者故有是說脉浮渥或弱不能作汗其身痒者曰無陽自亂無神氣曰無精吐利並作曰霍亂鼻出血曰衄陽病下之早即為結胃蓋當汗而誤一下者為痞為結胃為懊憹陰病下之

早即為痞按之不痛不按自痛連臍腹堅硬曰大結胃按之即心下痛為小結胃有水停結在胃脇間無大熱而頭微汗出曰水結胃煩躁多而有結胃證曰熱實結胃無熱而有結胃證曰寒實結胃證似結胃飲食如故時時下利陽脉浮關脉小細沉緊舌上白胎滑者曰藏結死不治上唇有瘡虫食其喉或食其藏曰惑下唇有瘡虫食其肛或食其陰曰狐咳逆曰噦乾嘔曰



院 脉相剋賊曰負負者死謂陽明與少陽  
 合病其脉但長大者為有胃脉為順若脉中  
 有弦即是有木脉也土被木賊故曰負所以  
 死也 傷寒有所不利者行之取其滲洩也  
 利小便曰滲洩大抵洩數則大便難小便曰  
 洩 民病驚漉大便寒而鴨漉水穀不別也  
 大便堅硬曰鞭此有熱而鞭也故曰寒則漉  
 熱則垢也恟熱而利謂之腸垢 渴欲飲水  
 水入即吐名曰水逆 黃病曰疸內經虐論

中謂疸為熱活人書以黃為疸南方暑濕近  
 夏瘴熱故病黃也疸與瘴同因熱而病黃疸  
 也 心振寒而動曰悸 亦怔怔之別名厥陰  
也或云怔悸者 厥陰  
 證云厥逆怔忡此有水也宜先治水 腳氣  
 有小腹不仁怔忡者 少陽嘔而發熱胃脇  
 滿小便不利怔忡者 心中若有所失曰懊  
 懣當汗而誤下者為痞為結胃為懊懣 應  
 下而汗者為亡陽為譫語為下厥上竭強發  
 少陰汗則動血或出口鼻或出耳目謂之下

厥上竭也 目中不了了了了謂不明也

或謂之病差 安常云楚睛不和者言人有此語

不和平如尋常也口中不仁小腹不仁者即

所謂皮膚不仁之義不仁者皮膚頑而不知

有無也 身振搖而動曰肉瞤 臍下有動

氣曰奔豚 在上者湧之吐曰湧 在下者

洩之利曰洩 左關曰人迎 屬少陰 右關曰

氣口 屬陽明 足趺上動脈曰衝陽 一名跌陽

一卷中 內踝危哭骨上陷中動脈曰太谿 論之許

婦人乳直下筋骨間近腹處曰期門 臍下

一寸曰氣海 千金方指迷方並云一寸五分此謂從臍心量下一寸五分也

二寸曰丹田 三寸曰關元 血曰榮 氣

曰衛 玄府汗空素問生氣通天論勞汗當

風注云玄府即汗空也 腠理司開闔 見中暑條

手足搐搦曰瘈瘲 二陽俱病曰合病 先

二陽俱病而後一陽自病曰併病 陰陽俱

病曰兩感又曰陰陽雙傳 四肢病曰末疾

大抵有風則四肢不收左傳曰風淫末疾者



是也上厥而下利當不能食者曰除中不治

死證

斑出五死一生 黑斑出十死一生 陽證

見陰脉者死 陰陽毒過六七日者不治

大發濕家汗則成疾又日熱而痊者死 發

少陽則讖語 發少陰汗則動血動血者死

謂之下厥上竭 發動氣汗者死 發風温

汗者死 亦主讖語 發濕温汗者死曰重暍 兩感

傷寒者死 汗後不為汗衰謂之陰陽交交

者死不得汗者死發熱脉躁疾狂言不能食

謂之咳逆不止者死 藏結者死 結胃證而舌上有白

胎者厥陰舌卷囊縮者死 脉代者死 少

陰吐利煩躁四逆者死 結胃證悉具煩躁

者死 發厥至七八日膚冷而躁無時暫安

者曰藏厥不治 少陽與陽明合病下利脉

長大而弦曰負負者死 陰陽易病頭重眼

花四肢拘急小腹絞痛手足攣者死 別名厥中詳厥

而下利當不能食反能食者曰除中不治

少陰病厥逆無脉與白通猪膽湯脉暴出者  
 死微續者生方載下利條仲景云脉陰陽俱虛熱  
 不止者死 傷寒七八日已上大發熱者難  
 治 若病人寒熱而厥面色不澤冒昧兩手  
 忽無脉或一手無脉必是有正汗也多用繇  
 衣包手足令溫暖急投五味子湯或兼與黃  
細辛附子湯五麻黃甘草附子湯四服之晷時必大汗而解矣  
 投藥無汗或脉不至者不治

藥評

諸承氣湯大柴胡湯

宣元子藥附忌用

大便鞭十餘日看證可下則用大柴胡湯下  
 之以過經其人氣稍虛當下者用大柴胡則  
 穩恐承氣湯太緊病人不禁也

又云凡大便秘而妨悶恐尚有表證者亦須  
 少少飲小承氣湯微解之切不可過多令勿  
 太洩也

傷寒論陽明病不大便六七日恐有燥屎欲  
 知治法少與小承氣湯腹中轉失氣者此有



燥屎也乃可攻之若不轉失氣者此先鞭後  
澹也切不可攻攻之必腹脹不能食也潮熱  
條云設當行大承氣湯亦須先與小承氣湯  
不轉失氣者不可攻也  
讖語發潮熱脉滑而疾者小承氣湯主之飲  
小承氣湯一升若轉失氣者更飲一升若不  
轉失氣者勿更與也仲景無治法活人書用  
小柴胡湯明日又不大便脉反微濇者裏虛  
也此為難治仲景無治法活人書用黃耆建

中湯

傷寒有承氣之戒又問轉藥孰緊荅曰大承  
氣最緊小承氣次之調胃承氣湯又次之大  
柴胡湯又次之仲景云蕩滌熱積皆用湯液  
不得用元子藥不可不知也  
調胃承氣湯有芒硝何故叔和云小承氣為上也愚意消息大凡湯中有芒硝者為緊無者次之  
大柴胡又一證傷寒發熱汗出不解心下痞  
鞭嘔吐而利非大柴胡不可也此非是有陽  
明證而嘔又非霍亂吐利謂之太陽大柴胡

證也故可下之

血證中別有桃仁承氣湯血證有本條

### 小柴胡湯

近時多行小柴胡湯不問陰陽表裏皆令服之此藥差寒不宜輕用雖不若大柴胡承氣之緊要之藥病不相投其為害一也傷寒五六日嘔而發熱者小柴胡證具而以他藥下之柴胡證仍在者復與柴胡湯此雖已下之不為逆得湯必蒸蒸而振發熱汗出

而解

### 大青龍湯

大青龍證脉似桂枝反無汗病似麻黃反煩燥是也脉弱有汗為桂枝證脉緊不煩燥為麻黃證大青龍湯治

病與麻黃湯證相似但病尤重而又加煩燥者用大青龍湯也其中以中風并傷寒俱盛故青龍湯添麻黃又合以桂枝湯藥味在內更加石膏所以為緊此治榮衛俱病若證不審誤用大青龍湯則發汗多傷人以其有煩燥一証故可用



大青龍也 大抵感外風者爲傷風感寒冷者爲傷寒故風則傷衛寒則傷榮桂枝主傷衛麻黃主傷榮大青龍主榮衛俱傷也風傷衛者病在皮膚之間也以衛行脈外爲陽主外皮膚之間衛氣之道路故也其病淺寒傷榮者寒氣中於肌肉也以榮行脈中爲陰主內肌肉之間榮氣之道路故也其病深所以桂枝與麻黃所施各異戒勿誤用以有淺深之別風寒之殊大醫當宜審諦大青龍尤宜戒用仲景云脈微弱汗出惡風者

不可服青龍服之則厥逆筋惕肉瞤此爲逆也宜服真武湯仲景特設此藥以救之

### 白虎湯

證治論云白虎湯性涼惟夏至後可用謂如地土七八月猶熱處有壯熱爲病相度尚可用白虎湯服之自然汗解然白虎湯用石膏故亦治傷寒不專只治暍也或問張翼皆言夏月若果見麻黃桂枝證亦豈得不用而用白虎也兆曰此說尤妙但臨時

看證用之假如虛弱人老人不可亦用白虎也蓋白虎性涼耳若得之下利腹痛者可勿服改服小柴胡也

活人書云或問夏至後皆可行白虎湯耶荅曰白虎湯治中暍并汗後一解表藥耳非正傷寒藥也今之醫者見六月中病多云中暍不辨熱病用藥太涼况夏日陰氣在內最難調治白虎湯尤宜戒之

證治論云白虎用石膏亦治傷寒不必專治

暍也活人書云白虎湯治中暍并汗後一解表藥耳朱肱作活人書後序云夏月納陰在內不可食熱乃君子扶陰養陽之時也此間又云陰氣在內禁用涼藥已上所說多不同大抵隨時審証當用卽用不可執一說也

麻黃桂枝湯

服桂枝湯吐者其後必吐膿血出證治論服麻黃湯

發煩目冥劇者必衄出活人書

頭疼發熱汗出惡風宜桂枝湯之類應解散而用桂枝者頭疼發無汗惡寒宜麻黃湯之



類應解散而用麻黃者二者均爲解散正分  
輕重不可不察也仲景云無汗不得服桂枝  
有汗不得服麻黃古人有汗者當解肌無汗  
者當發汗  
等是大陽尚有差別有况不分陰陽而用藥  
乎當汗而下卽死當下而汗亦死古人所以  
云桂枝下咽陽盛則斃謂當下而汗也承氣  
入胃陰盛而亡謂汗而下也陽盛者內熱內  
熱屬裏故當下也誤投桂枝是陽盛卽斃也

陰盛者惡寒惡寒屬表故可汗也誤投承氣  
是陰盛而亡也信乎麻黃桂枝大小承氣者  
死生之係也

### 桂枝石膏湯

傷寒三日外與諸湯不差脉勢仍數邪氣猶  
在經絡未入藏腑者桂枝石膏湯主之此方  
可夏至後代桂枝證用若加麻黃可代麻黃  
青龍用 有汗脉緩爲桂枝證 無汗脉緊  
爲麻黃青龍湯證

### 十棗湯

痞證條云脇下痛乾嘔氣短身涼不惡寒汗出無表證者十棗湯乾嘔證條云身涼汗出乾嘔脇痛不惡寒者比表解裏未和也十棗湯主之裏有水證條云身涼表證罷欬而脇下痛者十棗湯

大抵身涼乾嘔短氣脇痛者當行十棗湯也然須是表證已罷方可用之表未解者不可行也藥性大猛切戒輕用

### 聖散子

世之病證多變者無如傷寒或有傳者必待傳遍而後已或不傳者病止在于一經又或有中濕而似之者或有疫氣而似之者如此之類極多不可以一槩舉治之之要必在察脉以觀其表裏辨證以審其汗下然後投之以藥疾乃可得而愈也若不能求之於此而以傳授之古方謂可以愈疾者恐或未必然譬法律之誤以謂天下有罪者皆不能逃於其



間也且人之情僞千變萬化法律果能盡該乎東坡居士在黃州日得巢君所傳秘方名爲聖散子不問陰陽二證皆可服之使後人不能不敢疑於其間今觀其序自謂此方用藥似乎不近人情至於救急其驗特異乃知神物護靈不拘常制則是東坡自知其間用茱萸豆蔻良姜附子之類有陽證者不可服也又言不可與傷寒吐者此言何謂耶豈其謂非傷寒然後可服此藥耶且朮附豆蔻良

姜皆是燥而去濕者恐黃州瀕江地多卑濕而黃之居人所感者豈非中濕而致然耶不亦則是年年雨水浸淫而水得此疾所以服此藥而多愈也苟非此而服之果能不誤病者乎又言疫氣流行之時平旦以此藥煮一釜不問老幼貴賤皆令服之則疫氣不入其問東坡所以神此方者恐其用意在此而不在于彼也且如疫氣之爲病四時所感亦自不同當其未發之前籍此以驅除不祥之氣則

有此理若病證已見則便有陰陽之分四時各有治法當隨其証而用之豈可專用此方哉何況今之愚醫不辨方脉惑於不問陰陽二證之證以其瘥諸經傷寒豈不謬哉夫此方在世猶杼軸之有經一成而不可變者也傷寒之於人猶杼軸之有緯往來之變其可窮乎苟有活人之心者不可不以此說而廣之

### 炮炙煎煮法

用藥遺事附

其間有用藥一劑而用水少者今當只以藥五錢水一盞半為率作一服未效再作不可拘於古分兩也利湯欲生宜少水而多取也補湯欲熟宜多水而少取也

麻黃去根節湯炮去積殼水浸去穢桂去

皮不見火唯妊婦傷寒用菜萸湯炮

桂須炒過則不損胎氣也甘草炙桃杏人

湯過七次妊婦傷寒用之厚朴去皮姜汁

則多泡去皮尖去雙入厚朴炙香熟用

者麩炒黃作湯劑生用厚朴炙香熟用

杷葉炙刷鱉甲以湯浸去裙水蛭炒去子



去翅商陸柳熬瓜蒂熬茴香微葶藶炒膏  
 足炒商陸柳熬瓜蒂熬茴香微葶藶炒膏  
 巴豆熬黑心皮燕花以生桃代荒花熬壯  
 蠟熬蜀漆洗去腥也海藻洗去龍膽即草  
 茯苓皮去大槩皮去龕附子炮去皮烏豆  
 炮石膏見錯不滑石槌凝水石即寒赤石脂  
 白石脂禹餘糧紫石英代赭石已上諸  
 槌碎作龍骨研麝香研硫黃研雄黃研  
 元即研龍骨研麝香研硫黃研雄黃研  
 枯過大黃濕帟裏煨乾姜炮甘遂連珠者  
 裹麥門冬心麻子炒磨去黃連去烏梅核  
 煨麥門冬心麻子炒磨去黃連去烏梅核

椒開口者及防風去蘆人參去羌活去桔梗去  
 前胡去蘆柴胡洗苗犀角以升麻代釜底煤  
 研竈突墨篩研梁上塵篩羚羊角屑薰陸香  
 篩乳牛莖自牛英粉白粉即米通草即木  
 香研牛莖自牛英粉白粉即米通草即木  
 苦酒醋即米香豉豆即淡豉鼠矢頭雄鼠矢溺  
 尿同即童芒硝朴硝有蘆膠飴即鵠阿膠  
 子小似也  
 猪膽汁雞子黃麝已上七味並馬熟  
 令勻猪膚諸家所論不同龐安常云去膜  
 得有膜或有猪皮者兼本草中不載猪  
 膚但云煨猪湯解諸毒疑可用煨猪皮上

黑膚也所以言一殼即根實也每二片折

膚者肌膚之義一斤折乾者凡言片者只用

一濕也一斤折不見火芍藥味酸下利者

芍藥先煮一兩凡方言熬動氣者去木多去之或用

沸次下餘藥熬者都用炒加桂以桂能泄奔豚也小便數者去桂去

茯苓用芍藥小便不利者用茯苓太陽

陽病自汗而小便數者不可行桂枝太陽

病無汗而渴者不可與白虎湯陽明病

汗多而渴者不可與五苓散升合分兩

活人書用三分之一謂如今

大同而小異故兩存之

張公度辨次仲景傷寒論云沉存中得漢之

權量其量六斗六升當今之一斗七升九合

其重一兩當今之六銖愚今於紹興斗中二

升七合折古之一斗也大略是四分之一耳

凡言一升若用二合半則庶幾焉一兩用二

錢半恐太少耳升合當用古之法每升二分

兩當用今之法每兩

傷寒百問歌一



傷寒解惑論 并序

解惑論之作非務新奇而沽世譽也一本於仲景之正經且仲景之書昔人以金匱名之其貴重如此無求子謂孫思邈未能詳仲景之用心夫如是豈庸人粗工能窺其髣髴哉愚因三餘將傷寒或兩證相近而用藥不同者或汗下失度而辨證不明者冷厥熱厥之異宜陽毒陰毒之異候其間錯綜互見未易槩舉輒修舉而別白之庶幾洞曉亦足以見

解惑之深意焉乾道癸巳中秋日龍溪隱士

湯尹才謹序

尹才嘗聞世之言大病者不過曰傷寒性命死生在乎旬日之間粵自古初軒轅皇帝與岐伯天師問答而成內經雖備言傷寒經絡砭刺之法且無方論以明治療之源伊尹以元聖之才著湯液醪醴之論迨東漢時有長沙太守張仲景撰成傷寒之書為生民之司命厥後曾無發明其隱奧者隋大業間巢元

方撰病源亦備載傷寒及時氣病證極詳義則竊取魏有華佗乃號良醫讀仲景之書歎曰此可以活人後世名曰活人書雖三百九十七法義極幽微然一百一十三方理宜區別本朝政和之初有朱肱奉議致仕將仲景之書析爲百問該載諸說首尾幾二十一年前後僅九萬餘字遣男遺直詣闕投進被旨令國子監鏤板頒行天下寥寥千百年間使仲景之書大備於我宋神而明之固

有所待使君臣無夭樞之期夷夏有延齡之望豈小補哉且冬曰傷寒春日溫病夏日熱病通而言之爲傷寒也班固有言曰有病不治得中醫且傷寒傳六經一日足太陽膀胱之經二日足陽明胃之經三日足少陽膽之經四日足太陰脾之經五日足少陰腎之經六日足厥陰肝之經內經云七日巨陽病衰頭痛少愈八日陽明病衰身熱少愈九日少陽病衰耳聾微聞十日太陰病衰腹滿如故



十一日少陰病衰渴止舌乾已而欬十二日  
厥陰病衰囊縱少腹微下大氣乃去病再傳  
六經有自安者儻一藥之誤悔將噬臍仲景  
云桂枝下咽陽盛則斃承氣入胃陰盛則亡  
是謂實實虛虛損不足而益有餘醫殺之耳  
假如陽證反用桂枝是謂實實陰證反用大  
黃是謂虛虛陽證用熱藥是謂益有餘陰證  
用涼藥是謂損不足爲醫所殺夫復何疑仲  
景云有汗不得用麻黃無汗不得用桂枝又

日發表攻裏本自不同黃帝云未滿三日可  
汗滿三日可泄且病人有虛實邪氣有遲速  
豈可拘以日數日雖多尙有表證而脈浮數  
猶當發汗日數雖少已有裏證而脈沉細卽  
當下但隨證虛實與脈而汗下之不可拘以  
日數也又况四時發汗輕重不同春不可大  
發汗以陽氣尙微冬不可大發汗以陽氣伏  
藏夏月天氣熱玄府開脈洪大可正發汗但  
不可用麻黃桂枝藥性太熱麻黃桂枝隨四

時加減且如桂枝自西北二方居人四時服之無不應驗自江淮間惟冬及春可行之自春及夏至以前桂枝加黃芩半兩謂之陽旦湯夏至後有桂枝證可加知母一兩石膏二兩或加升麻半兩若人虛寒止用正方不必加減桂枝傷寒要藥若病人身無汗小便數或手足逆冷不惡寒不可行桂枝且傷寒與傷風相似傷寒者脉緊而濇傷風者脉浮而緩傷寒無汗傷風有汗以此別之且熱病與

中暑相似二證皆發熱惡寒頭痛外證俱同但熱病脉洪緊中暑脉細數甲乙經云脉盛身寒得之傷寒脉虛身熱得之傷暑熱病藥性須涼不可太溫桂枝麻黃青龍湯皆用本方加減法桂枝麻黃若不加減夏月服之有發黃斑出之失且中濕風濕濕溫皆類傷寒中濕之由風雨襲虛山澤蒸氣人多中濕三者雖皆屬太陽其脉與證治法不同中濕者濕流關節一身盡痛風濕者其人先中濕又



傷風故謂之風濕其人中濕因而中暑名曰濕溫中暑者身痛發熱身黃小便不利大便反快至真要論云治濕不利小便非其治也風濕者風氣與濕氣相搏支體痛重不可轉側額上微汗不欲去衣被身或微腫汗出身潤則風濕俱去不可大發汗發汗則風氣去濕氣猶在當微利小便也濕溫則兩脛逆冷胷滿頭痛必自多汗若再發汗名曰重暍仲景謂如此死者醫殺之耳大抵濕家不可大

發其表汗出多則發瘧矣瘧有陰陽二證無汗惡寒爲剛瘧有汗不惡寒爲柔瘧又有陰陽二瘧與瘧無異陽瘧屬剛瘧陰瘧屬柔瘧合面而卧者爲陰瘧仰目者爲陽瘧蓋中風又感寒濕而致也外證發熱惡寒與傷寒相似俱脉沉遲弦細背反張強硬口噤如發癰之狀此爲異耳百問有方又傷寒第四日足大陰脾之經受病病人腹滿噎乾病在胷膈可吐而愈須脉大胷滿多痰者方可吐脉雖

大無頑痰者不可吐猶當表汗况三日已上  
氣浮上部填塞心胃頭痛多痰涎此吐證也  
瓜蒂一味散主之內經云其高者因而越之  
且傷寒六日傳足厥陰經肝木移氣剋脾土  
脾受賊邪五藏六腑皆困危榮衛不通耳聾  
囊縮不知人而死用承氣湯速下之可保五  
死一生內經云脾熱病則五藏危又云土敗  
木賊則死脉微浮微緩胃之脉脾氣既全不  
受賊邪否極泰來榮衛將復水升火降寒熱

作而大汗解矣病有發顛汗而愈者亦是榮  
衛和故也今之醫者皆知用大承氣殊不知  
王叔和有承氣湯之戒王叔和又云若不  
用大黃恐不名大柴胡何前後之相戾也蓋  
貴在用之當與不當耳昔後周姚僧坦名醫  
也帝因發熱欲服大黃藥僧坦曰大黃乃快  
藥耳至尊年高不宜輕用帝不從服之遂至  
不起及明帝有疾諸醫皆謂至尊至貴不可  
輕脫宜用平藥僧坦曰脉洪而實必有宿食



不用大黃必無差理帝從之果下宿食乃愈  
醫者當先明強弱虛實又察脈之沉浮非大  
黃之罪醫者之誤也經云治熱以寒溫而行  
之若欲行大承氣湯當先用小承氣湯候其  
腹中轉失氣知其有燥糞然後可攻轉失氣  
者下氣也傷寒大便不通有用蜜煎導或用  
土瓜根大猪膽皆可為導藥是不可用藥攻  
也文潞公年八十餘以燥糞在直腸幾為門  
醫李琬所誤初虞世教令用蜜煎導大便遂

通而愈今之醫者多用圓藥下之非也仲景  
云邪氣流傳經絡初無定舍隨經蕩滌猶恐  
或遲蓋大黃能推陳致新隨邪氣而去非若  
巴豆破堅癖停留藏府反以為害仲景云醫  
以圓藥下之非其治也且傷寒不過汗吐下  
三證全在醫者精明審處之又有醫者下後  
復用補藥孫真人云服大承氣湯得利切不可  
中補熱氣得補復盛更復下之是重困也又  
傷寒用汗下藥假令一服中病其他藥盡止

內經云中病卽止不可盡劑與雜病不同傷寒當辨陰陽二證此有大利害當用藥詳審有陰證似陽證者何謂陰證似陽證仲景云陰發躁熱發厥物極則反也大凡以脉爲主華佗云數爲熱諸遲爲寒病人身體熱面赤脉反沉而遲皆陰證也身微熱者裏寒也面戴陽者下虛也若醫者不察脉以虛陽上鬲熱躁誤以爲實熱反下之又用涼藥則氣消而成大病矣外臺秘要云陰盛發躁名曰

陰躁欲坐井中宜以熱藥治之少陰證醫者強發汗必動血或從口鼻出亦陰證似陽證也何謂陽證似陰證仲景云重陽必陰重陰必陽寒暑之變也假令手足逆冷大便祕小便赤大便或黑脉按至骨沉而滑者陽證仲景云厥應下者此也故伏熱深而厥亦深且如熱厥與冷厥不同熱厥者微厥却發熱若冷厥則不發熱四支逆冷脉沉細大小便滑泄惡寒指爪青色又有失下氣血不通四支



便厥醫者不識却疑是陰厥復進四逆湯之類禍如反掌大抵熱厥肝沉伏而滑頭上有汗手掌溫指梢亦溫便宜下此仲景之妙旨也冷厥初得病四支逆冷脉沉細臥多攣足或惡寒或自引衣覆身或下利清穀或清便自調小便數外證惺惺此冷厥也又云發熱七八日膚冷而躁無時暫安者此爲藏厥仲景無治法熱厥者初得病身必熱頭痛至數日後方厥却微厥後發熱其脉雖沉伏必滑

其人或欲飲水或揚手擲足而臥煩躁不得眠大小便秘精神多昏冒知是熱厥已無疑矣緣近世多不明陰陽二證致夭折者甚多故詳及之又有數日不大便或有燥糞皆知用利藥仲景論大便不通自有數證有不可攻者陰結不可攻何謂陰結其脉沉而遲身重如石大便艱難故曰陰結或病人脇下鞞滿不大便而嘔舌上白胎未可攻宜與小柴胡湯若上焦通津液下胃氣旣和汗出四

大便堅小便數不可用承氣湯乃爲脾約  
且與麻子仁圓千金云脾約者宜枳實圓大  
便硬小便少者未可攻津液入胃候其小便  
自如乃可攻也當問病人一日小便幾行若  
如常則知大便不久自出要知古人審用轉  
藥金匱云六七日無所苦不可攻下之早熱  
氣乘虛入胃重者必死且小便不通不可遽  
利傷寒發汗汗出多亡津液胃中乾燥故小  
便不利醫反利之誤矣仲景云下之後復發

汗小便不利者亡津液勿治之得小便利必  
自愈也若下焦有熱引飲不已脉浮方可與  
五苓散猪苓湯儻疏導非法別生大病切戒  
陰毒下利或小便不利囊縮小腹痛欲死者  
急與返陰丹暖藥服之若用涼寒藥陰氣蓄  
伏小腹有至死者或有見小便不利炒塩熨  
劑下陰氣不散被熱物熨之冷氣衝心亦有  
死者若發黃却當利小便茵陳湯之類皆可  
用况發黃瘀血無異但小便利爲瘀血小便



不利爲發黃小便難者虛寒也小便數者虛熱也傷寒初得病宜和解如小青龍湯小柴胡湯皆可且如小柴胡湯用之無慮數十證沉內翰云其間有五證最爲的當傷寒身熱心中逆或嘔者一可服若因渴飲水者不可服寒熱往來者二可服脇下滿或渴或不渴者三可服發潮熱者四可服傷寒差後發熱者五可服要知無熱證者不可服爲藥性頗寒耳病有讖語世多不辨均謂之狂言亂道

尤不可不別仲景云實則讖語虛則鄭聲鄭者重也雖疾證相似但大小便利手足冷脉微細此鄭聲也若大小便秘小便赤手足温脉盛實者可下尤當審之且仲景戒用白虎湯者無他此汗後一解表藥耳仲景云太陽證無汗而渴者不可用白虎湯陽明證汗多而渴者不可與五苓散太陽病終不可用白虎湯耶不然太陽病汗後脉洪大者方可與也陽明病小便不利汗少脉浮而渴者方可

與五苓散也不渴小便不利者伏苓甘草湯  
主之且傷寒傳足少陰腎之經發汗吐下之  
後臟腑虛津液枯竭陽明證有汗而渴少陰  
證自利而渴各有治法凡病非大渴不可與  
水小渴咽乾者小小呷滋潤之令胃中和若  
大渴煩躁能飲一斗者與五升若不與則乾  
燥無由發汗發渴喘死常人見因渴飲水得  
汗小渴遂令劇飲致水停心下水滿發喘致  
死如有此證當急以五苓散利小便且仲景

云虛煩似傷寒仲景分爲兩說煩自煩躁自  
躁傷寒煩者由陰氣少陽氣勝故熱而煩太  
陽證脈浮者可汗陽明證脈實者可下唯躁  
有陰證陽證當子細辨之太陽證煩躁宜汗  
陽明證煩躁宜下若陰證發躁宜溫之昔人  
有患傷寒身冷脈微手足厥而躁其醫以艾  
湯調硫黃末數錢與之卽時安臥良久睡起  
汗出而愈又傳信方載治陰毒傷寒煩躁迷  
悶不主悟人急用附子一枚可半兩者劈作



四片生薑一大塊作三片糯米一撮水一大  
盞煎取六分去滓溫服厚覆其體令汗出切  
不可與冷水飲之如發渴將滓再煎一服令  
喫用之甚効前所謂虛煩似傷寒者但不惡  
寒身不疼痛故知非傷寒也不可發汗頭不  
疼脈不緊數故知非裏實也不可下如此者  
內外皆不可攻攻之必遂損竭而死但常與  
竹葉湯孫真人云此法用之屢有効又云傷  
寒虛煩亦宜服王叔和云有熱不可大攻之

熱去則寒起亦宜與竹葉湯百問有方故也  
世之言傷寒兩感者乃表裏俱病也仲景無  
治法但云兩感俱作治有先後宜先救裏若  
內氣正即可醫內纔正急當救表雖莫急於  
內則表亦不可緩也假如足太陽膀胱與足  
少陰腎爲表裏兩經俱受病謂之陰陽雙傳  
故難治也餘經自可類推請再論發汗之因  
凡表汗欲令手足俱遍漰漰然一時許不欲  
如水流然發汗以被衣覆腰以上厚衣被覆

腰以下蓋腰以下難得汗至足心微潤邪氣乃去有服藥再三發汗不得者此乃榮衛俱病也冬月及正月天氣寒冷發熱惡寒身疼服藥七八劑汗不出者無陽也必死人有虛怯難發汗者古人用薪燒火於淨地良久掃去以水灑或取栢葉桃葉麩糠鋪地如手掌厚再鋪席令病人卧其上溫覆其身少時汗出又不可太過恐亡陽汗不止以藁本粉撲之要知非自然之汗仲景云發汗不避晨夜

却宜便治此當汗而汗又不可執此醫者不顧其表裏虛實待其時日安得不虧損五臟以促壽命南史載范雲初爲陳武帝屬官武帝有九錫之命在旦夕雲忽感傷寒恐不得與慶事召醫者徐文伯診視以實憊之文伯曰便差甚易政恐二年後不復安矣雲曰朝聞道夕死可矣文伯以火燒地用前法翌日而愈雲甚喜文伯曰不足喜也後二年果卒載之信史可爲龜鑑又有汗後寒熱交作當



看脉尚浮數洪大猶當微表汗醫者見已經汗後不敢再表邪氣無由發泄誤矣發汗後止惡寒虛也發汗後止發熱實也惡寒用溫藥發熱用涼藥無不愈者又有發汗後脉躁疾不爲汗衰狂言不能食謂之陰陽交謂交合陰陽之氣不可分別此死證也又有熱病已得汗而躁盛者此陰脉之極也必死不治又有下後熱不退因汗下失宜熱不退無休時仲景云八日已上大發熱者此爲難治經

云陽微惡寒陰微發熱寒多易治熱多難愈病有陽毒陰毒之證陽氣獨盛陰氣暴絕爲陽毒內外皆陰陽氣不守爲陰毒仲景云陰毒用熱藥陽毒用涼藥所以順陰陽也凡言陰毒爲禍甚速或六脉沉細虛汗不止四支逆冷診其脉附骨取之則有按之則無至此非藥則罔功熙寧中邠守宋迪因其猶子病傷寒不能辨其證醫見其煩渴而汗多以涼藥解治之至於再三遂成陰毒六日而死迪

痛悼之遂著陰毒形證訣三篇又有一法可於臍內用葱熨法併於氣海關元灸三二百壯葱慰之法去其根葉以繩縛葱白二寸長如餅餠先以火煨熱置臍上用熨斗貯火於上慰之連臍下皆令熱不可令大段灼人熱氣既入藏府則病人漸蘇手足徐溫有汗出而差者置三五餅易之昔尚書在丞胡公用此救人甚多凡言溫病謂溫疫之氣也非春溫也一方之內長幼疾證相似者是也仲景

云溫疫與傷寒大異傷寒者傷寒氣而作溫病者感溫氣而作寒疫者爲暴寒所折而作其治法各不同要知治熱以寒溫治溫以清冷治寒以溫熱以平爲期辟溫之藥如東坡聖散子老君神明散務成子螢火元皆可用也世人多言結胃仲景云病發於陽下之太早爲結胃又曰結胃大率當下若脈浮與大不可下尙宜發汗又云病發於陰下之太早爲痞痞與結胃相似但按之而痛者爲結胃



按之不痛者爲痞此爲異耳結胃藏結者不治西晉崔行功云治結胃藥如用大陷胃湯不差者當用理中圓加枳實結胃有嘔吐不止胃鬲痞塞諸藥無效用巴豆十餘粒黃連約一錢重巴豆去殼研極細入黃連末相和捏成餅子納臍中艾炷如小指大灸之輕者一炷重者不過再灸候腹中作聲取下惡物立効傷寒有嗜卧者有不得眠者且風溫爲病故多眠睡太陽陽明嗜卧皆可用小柴胡

湯若少陰病脉微細但欲眠皆宜與四逆湯回其陽氣或熱病得汗後脉沉細身冷初覺安靜漸次昏沉喜卧不省亦急與四逆湯令四支溫不爾有熟睡而死者又有蟲證而嗜臥者不可不辨其初四支沉重忽喜眠急看上下唇若上唇有瘡蟲蝕五藏下唇有瘡蟲蝕下部當作狐惑證治之又有胃中不和心煩飲水不得眠者 發汗後劇則反覆顛倒心中懊懣不得眠者又傷寒差後不得眠

熱氣未散與諸陽相并陰氣未復所以病後仍不得臥也傷寒既安之後切戒勞動過食謂之勞食復復者其病如初也病新差津液未復血氣尙虛 早則成勞復蓋勞則生熱熱氣乘虛還入經絡未免再復病纔安胃氣尚弱若不節食大飽過度不能尅化依前發熱醫者見不思飲食謂脾胃不和令服調脾胃 遂令胃熱轉增大凡傷寒無和胃之理傷寒之病有陰陽易男子新病差而婦人

與之交而得病者名陽易婦人新病差而男子與之交者名陰易陰陽感動其毒 人如換易也其病狀身熱熱衝胃頭重不能舉眼內生花四支拘急小腹痛手足攣拳皆死縱不死百節解離經脉緩弱血氣骨髓空竭恍恍吸吸氣力轉少不能著牀起居仰人牽引歲月仲景有燻禪散假鼠糞湯 救其失范汪方論載督郵顧子獻病新瘥詣醫人華敷視脉敷曰病新瘥尙虛未平復陽氣不足勿



爲勞事餘勞尚可女勞卽死死當吐舌數寸  
婦聞其瘥從百里來省之住數宿樂爲勞事  
果吐舌數寸而死可不戒哉世皆知仲景  
作傷寒之書獨不載婦人殊不知王叔和  
仲景治婦人傷寒神驗方二十六道流傳于  
世醫不能該博妄意臆度利害匪輕愚  
因備言之且仲景中用藥煎煮或云二升  
或云一升使後人不能斟酌又古之升方分  
兩與今不同孫真人云古之三兩是今之一

兩古之三升今之一升古方用一兩今之用  
三錢字云一升者今之一大白蓋疾勢輕  
者止抄藥五錢水一中盞半或川薑葱取其  
發散或用棗蓋棗能和藥之力或煎六  
分八分不必依古方也藥用咬咀清汁  
入經絡也古人用心無不詳緻今人捨成書  
而不觀而以醫衛生名教之罪人也

漢張仲景著治傷寒一書極爲詳備議論  
至當後之醫家據是說以治療萬

不失一... 書可以活人信不誣矣噫  
今之... 賢所論陰陽虛實  
治狀不明脉理不識... 證以彰... 妄投  
湯劑殺人多... 此論乃一者潛心  
自仲景以下集諸家之書表而出之名  
曰... 醫者不失於謬誤病者不至  
於橫夭其傷寒治法之要妙又盡善矣余  
請是書世所未見故鋟木用廣其傳  
乃治傷寒之指南也

太陽

太陽一日自膀胱尺寸俱浮脉可詳發熱惡  
寒腰脊強項肌體痛難當前集云傷寒一  
二日發熱惡寒  
頭痛腰脊強尺寸俱浮足太陽膀胱經受病  
也又云頭項腰脊是太陽經所過處今頭項  
痛身體疼腰脊強其脉尺寸汗出疾重桂枝  
俱浮者故知太陽受病也  
愈前集云太陽病頭痛汗輕時柴桂可安康  
柴出惡風發熱宜桂枝湯  
枝湯無汗惡寒頭痛熱重則麻黃輕桂黃  
前集云太陽病頭痛發熱無汗惡寒宜  
麻黃湯輕者只與桂枝麻黃各半湯



熱痛煩不汗其脉浮緊大青湯傷寒要旨太陽中風脉浮  
 緊發熱惡寒身疼痛不出汗出桂枝麻黃青龍  
 而煩燥者大青龍湯主之  
 熱須知時令有暄涼夏至前後加涼劑冬及  
 初春如本方龐安常云桂枝湯如西北居人  
 地偏暖處唯冬及春可行之自春末及夏至  
 首桂枝麻黃青龍湯內宜加黃芩自夏至後  
 須隨證辨知母大青惡寒發熱或不熱醫者  
 石膏升麻輩取汗  
 於此辨陰陽陽則汗藥攻其表陰則溫中四  
 逆其龐安常云發熱而惡寒者邪發於陽也  
 證用江藥攻其表發於桂枝未解刺池府既  
 陰用四逆輩溫其內

刺之後宜復嘗龐安常云太陽病限桂枝反  
 與桂枝小便頻數不宜服芍藥甘草効非常  
 則愈芍藥甘草誤用桂枝躁厥吐回陽宜用甘草薑  
 芍藥甘草龐安常云誤用桂枝文表咽乾煩躁厥太陽  
 草湯逆嘔吐者甘草乾薑湯與服以復陽氣  
 龐安常云外證未解時脉浮而弱屬桂枝傷寒外證未  
 外證未解時脉浮而弱屬桂枝傷寒外證未  
 解脉浮弱者當以或久不溷苦頭痛泉清病  
 汗解宜桂枝湯或在表可知傷寒要旨要傷寒不大便六七日頭  
 在表可知傷寒要旨要傷寒不大便六七日頭  
 在表可知傷寒要旨要傷寒不大便六七日頭  
 發汗宜桂枝湯或因下後氣逆上陽病仍  
 之可與桂枝湯或熱汗出榮已虧發熱汗出  
 者後其氣衝上或熱汗出榮已虧發熱汗出

者此為榮弱衛強故使下或如發狂表證在  
出欲救風邪者宜桂枝湯  
此藥大率皆可施眚其人如任其外未解者  
尚未可攻當先解如其誤下利不止心下痞  
其外屬桂枝湯眚要云太陽病外證未解而數下  
鞭桂參醫之遂協熱利利下不止心下痞  
鞭表裏不解者利而脈促喘且汗葛根黃芩  
宜桂枝人參湯眚要云太陽病汗證而反下之遂  
宜審思眚利不止脈促表未解也喘而汗出者  
宜葛根黃芩熱多寒少脈微弱此是亡陽桂越  
奇眚者此無陽也不可發汗宜桂枝二越婢一  
濕病經三日汗不解蒸蒸發熱見於肌未解

尺脈如其實悉用調承以下之眚要太陽病三日未汗不  
解蒸蒸發熱者屬胃也又云太陽病未心下  
解尺脈實者下之而解宜調胃承氣湯  
溫溫只欲吐病已過經十日許便溏煩滿胃  
中痛加嘔調承乃為主不爾決非極吐下此  
藥反傷不可與眚太陽病過經十餘日心下溫  
腹微滿鬱鬱微煩先此時自極吐下者與調  
胃承氣湯若不爾者不可與但欲嘔胃中痛  
微溏者此非柴胡證發汗汗漏而不止惡風  
微急見肢體其人小水如或難桂枝湯中加  
附子眚桂枝加身黃脈沉而結細小腹堅鞭小



便利人或如狂抵當湯此病名為血證諦或  
 六七日表證在脉沉胃反不結痞發狂溺利  
 小腹堅下血之時乃安矣亦須抵當以平之  
 蓋陽隨經熱在裏前集云太陽病身黃脉沉  
 結小腹硬小便不利其人  
 如狂者血證諦也抵當湯主之又太陽六七  
 日表證在脉微而沉又不結胃其人發狂者  
 以熱在下焦小腹當鞭滿小便自利者下血  
 乃愈所以然者以太陽隨經熱在裏也抵當  
 湯主之太陽下利表未解一或攻之即為害人  
 如汗出不惡寒頭痛乾嘔心痞隘腹痛氣短  
 證悉現十棗一湯無不差前集云太陽中風  
 下利表解者乃可

攻之其人發熱汗出發作有時頭痛心下痞  
 鞭滿引脇下痛乾嘔短氣汗出不惡寒此表  
 解裏未和也十棗湯主之仲景用桂枝加芫花  
 旬後嗜睡脉細浮外  
 已解矣無足憂苦或胃滿小胡療浮無他證  
 麻黃投前集云太陽病十日以上脉浮細而  
 嗜臥者外已解設胃滿痛與小柴胡  
 湯脉但浮者下後胃滿見促脉桂枝之中去  
 與麻黃湯芍藥其人如或有微寒宜加附子仍除芍  
 前集  
 云下後脉促胃滿者桂枝去芍藥微喘桂枝  
 湯主之微寒者去芍藥加附子前集云下之微喘  
 加朴杏要在醫家自斟酌前集云下之微喘  
 加厚朴杏傷寒過經十日外數下小胡證猶  
 子湯主之

在小胡服之嘔不止心急鬱煩大柴退汗後

汗喘無大熱麻杏甘石功為大前集云過經

之柴胡湯證猶在者先與小柴胡嘔不止心

下急鬱鬱時煩者未解也大柴胡湯主之又

發汗後不可更行桂枝汗出而喘汗下後熱

無大熱者麻黃杏仁甘草石膏湯

頭項疼小水欲利而不能無汗胃滿兼微痛

桂枝去桂加朮苓前集云服桂枝湯或下之

汗心下滿微痛小便不利已下已汗已嘗吐

者桂枝去桂加白朮茯苓

心下微煩病未去小便頻數大便硬小承氣

湯和之愈前集云太陽病若吐若下若發汗

微煩小便數大便因鞭者與小承

氣湯和汗後肌體仍發熱悸眩振瞤服真武

之愈 膀胱熱結人如顛血自下者病欲痊未解宜

解忌攻泄解後腹急乃攻焉前集云病不解

如狂血自下下者愈其外不解者尚未可攻

當先解其外外已解但小復急結者乃可攻

之桃核汗下六日不大便潮熱煩渴小腹堅

承氣湯

更兼滿痛不可近大陷胃湯病可痊前集云

發汗而復下之不大便五六日舌上燥而渴



如或安靜必不傳

陽明

陽明二日胃之經尺寸俱長脉可憑肌體發

熱而汗出不惡風寒熱却增前集云正陽明者身熱汗出不

惡寒反惡或如得病狂言作翁翁發熱體如

蒸或始得病便發熱狂言也此候陽明得其

正用藥下之人必醒前集云正陽明汗出不惡寒反惡熱故可下也

龐安常云或始得病其脉浮大而又長此是

太陽合陽明鼻乾目痛肌體熱仍兼頭痛與

腰疼惡寒無汗升麻愈惡寒有汗桂枝寧惡

熱溷通白虎療脉浮氣喘麻黃平惡熱譫語

大便秘治法無如調胃承前集云太陽與陽

而長外證必須頭疼腰痛肌熱日痛鼻乾也

脉浮大者太陽也長者陽明也頭疼腰痛者

太陽也肌熱日痛鼻乾者陽明也尚惡寒者

可升麻易汗之若不惡寒反惡熱大便不秘

者白虎湯解利之可調胃承氣湯下之又云太

陽陽明可表而已若無汗向惡寒宜升麻湯

有汗微惡寒者表未解也宜桂枝湯無汗脉

不惡寒大承下之更無說龍安常云二陽併病太陽證罷但發熱手足大承氣湯下之則愈太醫未罷只宜汗藥用桂枝麻黃半設若面赤陽怫鬱解之重之病應散汗出不徹或未汗更用麻黃汗之善其汗未由何由知指下脉濇因此見陽明疾證察之難傷寒中風分兩般病如能食中風證食不能進乃為寒少陽陽明有何證胃中燥實大便艱陽明大率悉宜攻惡寒中寒却忌通大便雖鞭小便少心下堅滿與前

同前集云三陽明俱宜下唯惡寒中寒為病在經與太陽合病屬長可發其于龍安常云陽明病或發汗或自汗大便雖鞭小便少者未可攻津液恐還入胃必先鞭後溏也小便自如乃可攻之又云陽明病心下鞭也小滿者不可攻攻之利止者生不止者死陽明潮熱病來傷胃脇痞滿大便溏脅滿不溷嘔舌白皆可投以小胡湯旨要云陽明發潮熱大便溏小便自如胃脅滿不去者小柴胡湯又陽明病脇下鞭脉滿不大便而嘔舌上白胎者小柴胡湯脉弦浮大脅滿痛鼻乾嗜卧身目黃溺澀無汗時作嘔耳腫潮熱日有常已過旬日見浮脉此亦小胡為最強旨要陽明中風脉弦浮大而短氣腹都滿脅下及心



痛久按之氣不通鼻乾不得汗嗜臥一身及  
 目悉黃小便難有潮熱時時噉耳前後踵刺  
 之小差外不解過經旬脉遲汗出寒不畏其  
 日脉續浮者小柴胡湯脉遲汗出寒不畏其  
 人大便復硬秘或體沉重兼腹滿潮熱而喘  
 仍短氣手足澀然而汗出其為大便已鞭矣  
 下血譫語而汗出必有燥屎在其胃譫語潮  
 熱不能食此亦胃中有燥屎譫語潮熱而能  
 食內無燥屎但堅爾諸證大承皆可投蓋外  
 已解可攻裏唐安常云若不惡寒為外欲解  
 手足澀然汗者大便已鞭宜大  
 柴胡湯旨要云陽明病脉遲雖汗出不惡寒  
 者其身必重短氣腹滿而喘有潮熱者此外

欲解也可攻裏手足澀然汗出者此大便已  
 鞭也屬大承氣湯又云病人煩熱下出而  
 又如瘧狀日晡發熱者屬陽明脉實者下大  
 承氣湯又云陽明病發熱下多者急下之大  
 承氣湯又云陽明病下血譫語者此為熱入  
 血室汗出譫語者以有燥屎在胃中此為風  
 也須下之大承氣湯又云陽明病譫語有潮  
 熱反不能食者胃中必有燥屎若能食者但  
 硬耳宜口苦舌乾白虎參更須其人渴飲水  
 大承氣口苦舌乾白虎參更須其人渴飲水  
 旨要陽明病若渴欲脉浮渴熱猪苓湯又看  
 飲水者白虎人參湯脉浮渴熱猪苓湯又看  
 無汗泉不利旨要陽明病發熱渴欲飲水小  
 便不利者猪苓湯主之若汗出  
 多而渴者不可與下後外熱手足溫懊懣其  
 此湯利小便故也  
 胃不結痞飢不能食頭有汗治法悉宜梔子

鼓音要云下之其外有熱手足温不結胃心中懊濃飢不能食但頭汗出者宜梔子豉

湯表熱裏寒利清穀其脉浮遲四逆治音要

病脉浮而遲表熱裏寒六七日久不更衣內

下利清穀宜四逆湯有燥屎不可知探以小承不轉氣先鞭後漉

勿攻之謔言胃燥大便硬身間多汗出無時

謔言潮熱脉滑疾皆用小承攻却宜陽明不

七日恐有燥屎欲知之法少與小承氣湯腹

中轉失氣者此有燥屎也乃可攻之若不轉

氣但初頭硬後必漉不可攻之又陽明病多

汗津液外出胃中燥大便必鞭鞭則謔語小

承氣湯主之又陽明病謔語發潮熱脉滑而

疾者小承氣湯與一升腹中轉氣更與一升

陽明喜忘何由致必有瘀血在其內更堅易

泄其色黑抵當投之病必退音要云陽明證

有瘀血屎雖硬反易腹滿加喘而不尿此為

其色必黑宜抵當湯逆證人已危小承服之不轉氣不溷脉濇不

可醫

少陽

少陽三日弦脉現寒熱頭痛嘔聾眩口苦咽

乾胃脇疼宜投小柴忌發汗龐安常云少陽

不絃長大脉也宜和表少有汗證前集有云

太陽病脇下鞭滿乾嘔不能食往來寒熱尚



未可吐下脘其脈弦緊者小柴胡湯主之蓋  
脈弦細頃疼發熱屬少陽少陽受病口苦咽  
乾目眩宜小柴胡湯解表不可發汗發汗則  
傷語譫語屬胃和則愈不和則煩而躁宜  
調胃承氣湯也三日脈小而平勻此是氣和  
屬少陽陽明也病欲散頭痛汗出微惡寒亦用小柴乃無患  
脇硬寒熱嘔不食脈緊加蠶可安健龐安常云少陽  
病脇下鞭滿乾嘔不能食往來寒熱尚未  
可吐下脈緊者小柴胡湯加少牡蠣主之身  
無大熱躁悶時陽盡入陰無可疑證合嘔吐  
反能食三陰不受邪氣欺陽極發厥似陰證  
醫者要以脈息推傷寒四五日或六七日無  
大熱者其人躁悶此為陽

去入陰也又云三四日陽盡二陰受邪其人  
必嘔吐而反能食不嘔逆陰不受邪也龐安  
常論

### 太陰

太陰四日如何斷尺寸沉細手足暖證或自

利而不渴咽乾腹痛或腹滿前集有云傷寒

乾手足自溫或自利不渴或腹滿時痛自利

尺寸俱沉細者足太陰脾經受病也

不渴逆中溫腹滿脈浮桂枝汗腹痛桂枝加

芍湯痛甚桂加黃乃善前集有云自利不渴

溫之四逆湯理中湯腹滿時痛屬太陰可桂  
枝微發汗腹痛者桂枝加芍藥湯病甚者桂

枝加大或因冷物傷於胃腹疼無意胃膈閉  
黃湯或因冷物傷於胃腹疼無意胃膈閉  
面與唇口無色澤手足俱冷脉沉細此謂寒  
中於太陰庸人乃施巴豆類但知取積速欲  
通不知愈損人將斃食積中寒枳理固治中  
五積一二劑前集有云胃膈不快與滿閉塞  
唇痛者何也此名太陰也近人多不識陰證  
見胃膈不快便投食藥非其治也大抵陰證  
者由冷物傷胃陰經文之也寸胃膈脹滿  
面色及唇皆無色澤手足冷脉沉細少情緒  
亦不因嗜慾傷內傷冷物或振動胃氣遂成  
陰證得把巴豆之類胃膈愈不快或吐而利  
經一二日遂致不救蓋不知寒中太陰也又  
問萬一飲食不節胃膈不快寒中陰經何法

以治之荅云急作理中湯加青橘陳橘對如  
豆大服一二劑枳實理中圓五積散尤良

或太陰證其脉大膈上多痰滿不快若逢此  
證可吐之如無吐證汗之差前集有云古人  
病在胃膈可吐而愈何也荅曰不然有太陰  
證脉大胃滿多痰者可吐之脉大而無吐證  
者可汗而已大抵在表者汗之在裏者下之  
在上者湧之在下者泄之瓜蒂梔鼓隨證施  
用不可拘脉沉細數熱在裏口燥咽乾渴不  
已或不大便溺自如或無外證瞳如翳或已  
汗後脉沉實或利脉平心下痞或下脉沉而  
有力或連發汗寒不畏諸證若見宜何藥安



常治法用承氣龐安常云太陰病凡脉沉細數為熱在裏腹痛咽乾或口燥舌乾而渴者或六七日不大便小便更自如或目中瞳子不明無外證者或汗後脉沉實或不惡寒者或三部脉皆平心中堅者或連發汗已承氣七八日後溺如常下利雖頻必自止蓋

脾已實穢當去橘皮更進速安矣龐安常云太陰病七八日雖暴煩下利日十餘行必自止蓋脾家實腐穢當去故也橘皮湯主之

少陰

少陰五日脉細沉蓋緣陰毒入臟深欲吐不吐利欲寐口舌乾渴畏寒侵小便白色證悉

具四逆温之無古今得之二日背惡冷灸并

四逆散其陰前集有云傷寒五六日尺寸脉俱沉或口燥舌乾而渴或口中

和而惡寒何也此足少陰腎經受病也少陰病口燥舌乾而脉沉者急温之宜大承氣若不渴不口燥舌乾而脉沉者急温之宜四逆湯又云少陰病得之一二日口中和背惡寒者宜著灸并四逆湯也傷寒證治云少陰病脈微細但欲寐又云欲吐不吐心煩自利而渴者屬少陰若小便白舌乾口燥或渴時大承氣湯色者病形悉具

急下之或利清小心下痛或腹膨脹不更衣

二證更兼口乾燥併用大承無可疑龐安常云尺寸

俱沉者少陰受病也其經貫腎絡於肺繫舌本故口燥舌乾而渴大承氣下之少陰病二

三日口燥咽乾者急下之宜大承氣又云少  
 陰病自利清水色純青心下必痛口乾燥者  
 可下之宜承氣湯又少陰病六七日腹脹不  
 大便者急下也宜大承氣湯又云少陰病下  
 利清水心下痛口乾者可腹瀉瀉瀉在體  
 下之宜大柴胡大承氣湯  
 更下利時為有水小便或利或咳嘔唯有真  
 武功無比六七日利咳嘔渴煩不得眠猪苓  
 理傷寒旨要云腹痛小便不利四支重疼痛  
 嘔真武湯又云少陰病下利六七  
 日咳而嘔渴心煩不眠猪苓湯  
 腹疼憤默  
 怕見光脉見沉細是其常古謂四順不堪用  
 仲景四逆散最良下利厥  
 候宜行增損

四順湯 前集有云腎傷 亦多表 有時  
 腹痛其脉細舊用四順湯 其熱不

若已 腎病而體猶有熱者可服仲景四逆散  
 冷乃無熱候可增損四順湯 病或時時自

煩躁寒踈 衣裳醫者於此用何藥大

柴胡中除大黃 前 煩不欲厚衣者 而踈時時自  
 柴胡 下利裏寒而 脉欲絕其人身

反不惡 腹痛咽疼嘔不微 或面

赤通脉四逆俱能活 欲

絕身反不惡寒其人面赤 欲

又咽疼或利止脉不出者通脉四逆湯主之

類聚三十一



弦吐厥逆法當吐之不可世傷寒

則吐心中温能吐始時之手足

寒脉遲弦者此胃中實不可下也當吐之

少陰熱藥勿便熱氣在內留泄利下重

尤宜戒須於薤白逆散亦有內熱者

單服逆散疾應瘳前集云陰泄白煎四

逆散又云少陰病四肢冷亦有用枳實柴胡芍

藥主四逆其人或家或悸或小便不利脉

沉而濡或沉微體熱辛藥微汗宜龐安常云

或沉而濡應裏而發熱在表故以小辛之藥温

散而微或云少陰肌發熱麻黃細辛附子醫

三日常現少陰證麻黃附草小汗之前集行

病微汗之反發熱脉沉者麻黃細辛附子

湯微汗之又云少陰病得之二三日當見少

陰黃附子甘草湯小汗之發汗宜大率少陰身發熱

吐利不厥生可期手足不冷發熱者吐利或

厥肌熱決不死脉不至者灸大谿仲景云少

逆冷發熱者不死脉不至灸大谿七壯傷寒

必眇大谿以察其腎之盛衰也穴在足內踝

動脉陷中溺澁腹痛利不已若兼便血桃花

止腹疼通逆加芍藥咽痛甘桔五錢匕前集云少

陰病下利便膿血者桃花湯主之又少陰病  
 二三日至四五日腹痛小便利下利不止  
 便膿血者桃花湯主之龍安常云少陰病利  
 止脈不出者通脈四逆湯主之腹疼加芍藥  
 一兩又前集有云少陰病二三日厥逆吐利  
 咽痛與甘草湯不差與桔梗湯  
 煩欲殞療之無若吳茱萸咽疼胃滿心煩利  
 醫家所貴在猪膚前集有云少陰病吐利手足逆冷煩躁欲死吳茱萸湯主之又云少陰咽疼下利脈微白通佳利  
 或不止厥逆來其人無脈煩乾嘔可用白通  
 猪膽加脈微續出人可療脈滑暴堪嗟  
 前集有云自利而渴屬少陰白通湯白通猪  
 又云少陰病下利脈微者與白通湯利

不止厥無脈乾嘔煩者白通加猪膽四逆  
 汁湯又云滑脈暴出者死微瀆者生  
 煩躁而吐 六七日息高矣或有吐利躁而  
 煩惡寒而蹇脈不至或脈沉細汗不煩心只  
 欲吐但忤睡半旬之後忽利 之煩躁不得  
 寐若有一證皆可憂縱有良醫病難起常云  
 吐利煩躁四逆者死四逆惡寒自  
 而吐利煩躁者死病六七日息高者死  
 脈微細沉臥汗出不煩自欲吐至一日  
 五六日自利復煩躁不得卧寐者死  
 太陽皆可測 少陰初便得即非傳自太  
 陽經便直攻陰切無惑初得病便現少  
 陰證者直攻少



陰亦不必先自  
太陽傳次而至

厥陰

厥陰囊縮內煩滿唇青舌卷脉微緩發熱惡

寒如 囊不縮時欲愈斷其人脉緩而微

浮宜用桂枝麻 半前集云傷寒六七日煩

緩者必囊不縮外證必發熱惡寒似瘧為欲

愈宜桂枝麻 囊縮毒氣已入臟尺寸之脉俱

沉短榮衛不通兩耳聾承氣下之命或返前集

氣湯下之又云脾者必是囊縮毒氣入臟六腑

皆困而危殆榮衛不通耳囊 知人體

則死矣速用承氣湯下之可保五死一生體

疼腹脹利無時先用四 桂枝 傷寒者要

體疼先溫裏後攻表溫 汗熱 厥須用

裏四逆湯攻表桂枝湯 四逆亟扶持 傷寒者要大汗出熱 急

又 肢疼而發熱小胡妙下利譫語小承宜

下利譫語者有燥屎也宜小承氣湯 乾嘔吐

沫頭又痛 疑 吐涎沫頭痛者 逆醫傷

吳茱萸裏寒外熱利清穀 厥陰發

黃湯裏寒外熱利清穀 厥陰發

衝心痛體發熱飢不欲食食吐虵下利不

止 中先服次烏梅若是臟厥與

虵別 前集云也此是厥陰證胃中虛冷故長蟲

逆上先厥陰之為病消渴氣上

欲食食則吐虵下利 脉微膚冷躁難治冷服

不止烏梅圓主之 其活前集云傷寒發厥至七八日膚

難治龐安常云臟厥者 宜四逆 冷服之

表證

表證熱痛惡寒清更量輕重審時令春間宜

用小柴胡不可大汗慮陰勝冬間陽藏不可

擾只宜解利令氣正無汗桂枝麻黃半有汗

柴桂藥方稱夏月雖合正發汗更看藥熱并

陽盛麻桂加苓知升石不爾發斑害人命白

虎勿投恐結胃蓋緣陰生藥寒性 前集云發

體痛而脉浮者表證也表證者惡寒足也惡

寒者表之虛此屬太陽宜汗之然傷寒發表

當隨病輕重而汗之故仲景有發汗者有和

解之者兼四時發汗亦不同春不可大發

汗以陽氣尚弱不可亟奪使陰氣勝于時大



黃各半湯傷風自汗只與柴胡桂枝汗或得  
 少汗而解或無汗自解夏月天氣大熱玄府  
 開脉洪大宜正發汗但不可用麻黃桂枝性  
 熱藥須是桂枝麻黃湯加黃芩石膏知母升  
 麻也不加便發黃斑出也白虎湯雖可用然  
 夏月陰氣在內或患熱病而氣虛人妄投白  
 虎往往有或結胃者以汗要澌澌遍身體不  
 白虎性寒非傷寒藥也  
 要淋漓如潑水須教體暖令汗出自腰上下  
 覆衣被若只足潤汗不透病終未去費調理  
 藥多不必盡劑服但只中病藥便止汗了證  
 在汗再三此法須向三日裏前集云凡發汗  
 病證仍在者三  
 日內可三汗之  
 令腰脚周遍為度發熱惡寒表為是却有八

證表大忌衄血下血并壞病腹築觸有動

氣風溫濕溫及虛煩婦人病適經水

寒少脉遲弱諸證若表害非細陰病從來

汗之其經亂太陰脉浮少陰熱不

是微汗 一味桂枝湯少則麻黃

辛附善前集云陰浮少陰發熱亦須微澌反汗

但不正發汗宜桂枝湯少陰病發熱太陰證脉浮可干

子大凡脉沉細而數此病在裏汗之錯細辛附

湯熱在表亦須微汗施辛藥前集有云脉沉細

熱在表亦須微汗施辛藥前集有云脉沉細

不可發汗此大略言之在裏而發叔

熱在表宜以小辛之藥取微汗而溫散之和所說大略同醫者更斟酌

裏病

裏病之證如何別體不惡寒反惡熱掌心腋

下汗澀澀潮熱胃乾燥糞結大便堅硬溺如

常喘滿譫語脉沉滑此為內熱屬陽明速宜

下之從古說前集云不惡寒反惡熱手掌心

糞結聚潮熱大便硬小便如常腹滿而喘或

譫語脉沉而滑者裏證也裏證者內熱是也始焉發熱而惡寒汗後不惡倍熱

此屬陽明始焉發熱而惡寒汗後不惡倍熱

官下之始焉發熱而惡寒汗後不惡倍熱

煩始焉病者惺而靜今乃妄語狂惑間始脉

浮大今洪實或細沉數辨之難此為陽盛汗

即死勢須亟下人可安前集云傷寒始發熱

但倍發熱而躁始脉浮大今脉洪實或沉細

數始惺靜今在語此胃胃實陽盛再汗即死

須下之亦有病初變陽盛下不拘日但隨證

更有心連腹症悶喘極腹中疼作病不候他

證便下之少與小承母過贈前集云凡大秘

證者亦須少少飲小承氣湯若失下時遏氣

血其人四肢必發厥熱藥一投禍立至醫者



於此宜加察前集云心胃連膈腹大段庄悶  
 者亦不候他證便下之又云凡大便秘妨悶  
 尚恐有表證者亦須少少飲小承氣湯微解  
 之不可過多令大泄也若失下則氣血不通  
 四肢便厥醫人不知反疑陰厥復進熱藥禍  
 如反掌不三陰皆宜溫藥療唯有即時下却  
 効太陰腹痛或時滿少陰腹痛咽口燥或不  
 大便或下利心下或痛積分曉太陰桂枝加  
 芍湯痛甚更加大黃妙少陰雖服大承氣更  
 衣速止毋再導下後消息安養是人困虛羸  
 補之忌表證未罷不應下下藥妄投損其胃

病人惡寒或嘔吐脉或見浮或虛細大便堅  
 硬小便少其或小便清若水陽明七日不更  
 衣探以小承不轉氣及已發汗與自汗津液  
 內竭小水利如見一證切勿下非徒無益他  
 病至

表裏兩證

表裏兩證如何辨脉浮在表所當汗發熱煩  
 渴小便赤病却在裏下之善表裏俱見渴飲  
 水飲即吐之五苓散仲景云中風發熱五六

渴欲飲水水入則吐名曰水逆五苓散主之  
 前集云假令病人脈浮而大是表證當汗其人發熱煩渴小便赤却當下此七日不溷下  
 是表裏證俱見五苓散主之  
 分曉况熱在肌痛在腦其人小便却清冷元  
 爽非裏却在表大便堅硬脈沉細不食心滿  
 病在裏頭汗惡寒手足冷謂之裏證却非是  
 此為表裏見兩證治法須宗張仲景一則發  
 汗桂枝良一則和解柴胡證  
前集云假令傷寒不大便六七  
日頭痛有熱者是裏證當下其下小便清者  
知不在裏仍在表當須發汗此是兩證俱見  
即未可下宜與桂枝湯假令病人心中滿口  
不欲食大便硬脈沉細是裏證當下其人頭

汗出微惡寒手足冷却當汗此兩證俱見仲景所謂半在裏半在表也小柴胡湯主之

表證未除數下之恟熱而利夫何疑利既不  
 止心下痞表裏不解桂參宜  
桂枝人太陽反  
 下痛在腹有表有裏何藥服無出桂枝加芍  
 湯痛甚桂枝增大黃  
前集云本是太陽醫反下之因小腹痛是有表  
復有裏仲景用桂枝加芍藥湯痛甚者桂枝  
加大黃湯皆仲景治傷寒有表復有裏之法  
 無表裏證

表裏之證孰云無傷寒五日至旬餘既無汗  
 證與表證除非加减小柴胡小胡不効大便



硬且用大胡緣氣虛前集云四五日後以至  
 無更證未可下者但非汗證亦非下證者皆  
 可用小柴胡隨證加減用之以至十餘日亦  
 可用十餘日外用小柴胡湯不愈者若大便  
 硬看證可下則用大柴胡湯下之以過經其  
 人氣稍虛當下者用大柴胡湯則目睛不和  
 穉者恐承氣湯大緊病人不禁也  
 七日間表裏無證大便難若身微熱是為實  
 大承氣湯投必安仲景云六七日目中不了  
難身微熱此為實也八日熱無表裏證脈浮  
當下之宜大承氣湯  
 而數指下應大柴胡湯可下之既下脈數猶  
 不靜若更多日不更衣必有瘀血內為病醫

家至是用何藥抵當之湯乃為稱仲景云病  
 證發熱七八日脈雖浮數可大柴胡湯下之  
 假令已下脈數不解至六七日不大便者有  
 瘀血也屬抵當湯

表裏寒熱

表裏寒熱如何是請以病人形證視病人大  
 熱衣不離此必有寒在骨髓先投陰旦去中  
 寒寒去次服柴加桂表熱裏寒脈沉遲手或  
 微厥而下利所以陰證亦有熱四逆通逆皆  
 可治前集云病人身大熱反欲得衣熱在皮  
膚寒在骨髓也仲景無治法宜先與陰

且湯寒已次以小柴胡加桂溫其表又云表  
熱裏寒者脈須沉而遲手或微厥下利清穀  
也所以陰證亦有發熱者身寒不欲近厚衣  
四逆湯通脈四逆湯主之皮膚雖寒熱在裏先與白虎加參湯熱除桂  
麻半解利表寒裏熱脈必滑口燥舌乾更須  
厥所以少陰踈惡寒大柴下之仲景說前集云病  
人身大寒反不欲厚衣寒在皮膚熱在骨髓  
也仲景亦無治法宜先與白虎加人參湯熱  
除次以桂枝麻黃各半兩以解其外又云表  
寒裏熱者脈必滑而厥口燥舌乾也所以少  
陰惡寒而踈時時自煩不欲厚衣用大  
柴胡湯下之而愈此皆仲景之餘議也

### 陰毒

陰毒由腎虛寒得傷脾傷風寒氣積腰重額  
汗手背汗精神恍惚倦無力身體眼睛頭腹  
疼吐利四肢俱厥逆六脈皆沉細而疾大見  
寸口短見尺有此急服辛熱藥速驅病去無  
令極若過三日陰氣深指甲面色皆青黑虛  
汗不止或鄭聲心下結滿硬如石咽喉不利  
渴而躁脈沉七至見一息速灸氣海或關元  
艾炷不妨三二百正陽返陰回陽丹天雄正  
元唯所擇更兼附子退陰散進此陽復陰自



尅前有云若陰氣漸深其候沈重四肢逆  
 冷腹痛溽甚或咽喉不利心下脹滿結硬  
 躁渴虛汗不止或時鄭聲指甲面色青黑六  
 脉沉細而疾一息七至已長有此證者速於  
 氣海或關元二穴灸二三百壯以手足和煖  
 為功仍兼服正陽散肉桂散回陽丹返陰丹  
 天雄散白米散內外通逐若其陰盛疾勢危  
 令陽氣復而大汗解矣  
 六脉附骨方有之但用臍心葱熨法多將艾  
 炷灼其臍灸後手足若溫煖更田前藥助之  
 宜若不溫時人不保病退藥減要須知

陽毒

陽毒妄語躁發狂而赤身斑利赤黃咽痛脉

洪或滑數常使大汗陰勝陽升麻大黃并苦  
 酒黑奴圓及梔子湯脉洪而大舌焦黑鼻中  
 有似煙煤色疊布漬水搭背間布須去水宜  
 頻易熱甚置人於水中熱勢纔退水可釋前集  
云疊布數重新水漬之稍振去水搭於背上  
須更蒸熱又漬令仍前薄之仍數換新水  
日數十易熱甚則置人於水中  
中熱勢才退則已此良法也

潮熱譫語

潮因吐下不解利其人獨語如見鬼日久不  
 溷不惡寒模床撮空喘直視甚者發則不識

人治法無如大承氣一服若利止後服脉弦者生瀉者死陽證脉瀉不可下陰見陽脉必生矣前集云弦者陽也瀉者陰也陽證見陰脉者死人有陽證而脉瀉者切不可下

陰證似陽陽證似陰

陰證似陽何以知面赤煩躁脉沉微更兼身體微微熱若投涼藥必傾危古言陰極必發躁四逆湯加葱白醫陽證似陰何以察手足逆冷脉沉滑小赤大便秘且黑輕虎重承乃治法前集云假令手足逆冷而大便秘小便赤大便秘黑色其脉沉而滑者皆陽證也

輕者白虎湯重者承氣湯傷寒失下氣不通四肢俱冷名熱厥大承氣湯加分劑下後汗出人應活熱厥陰厥如何分請詳形證自能別熱則微厥熱生肌陰則厥冷不發熱更兼惡寒脉沉細大小便利俱滑泄餘見手足逆冷篇

陰盛隔陽

陰盛隔陽證易看脉細沉疾身體寒煩躁却欲飲水霹靂火焰丹砂丸霹靂散火焰丹砂丸止得睡汗即差飲水與此非一般前集云傷寒陰盛隔



陽者病人身冷脉細沉疾煩躁而不飲者是也若飲水者非也

手足厥冷

手足厥逆證有二冷厥初病厥已至不欲飲水足多攣臥則惡寒引衣被其脉沉微而無數大便或調或下利小便或數惺且靜脉雖沉實遲弱細當歸四逆加茱薑理中四逆通脂治熱厥初病即頭痛厥至半日熱發體發在三日蓋熱深脉沉而滑熱在裏微厥却熱熱亦微頭汗畏熱或飲水揚手煩燥不得眠

小便赤色大便必其手雖冷指爪溫此是下

證勿拘忌

前集云冷厥者初得病便四肢逆

寒或自引衣蓋覆不飲水或下利清穀或大便如常小便數外證多惺惺而淨脉雖沉實按之遲弱者知其冷厥也四逆湯理中湯通脉四逆湯當歸四逆湯皆可用也又云熱厥須湯白通湯猪膽湯皆可用也又云熱厥須脉沉伏而滑頰上有汗手雖冷時復指爪溫須用承氣湯下厥多熱少病有增厥少熱之不可拘忌也

多病欲退寒熱而厥色昏兩手無脉或一

現急服五味麻辛甘仍包手足令溫煖此法

治之無不解看取睥時滿身汗前集云病人寒熱而厥面

色不澤胃昧而兩手忽無脉或一手無脈者必是有正汗也多用綿衣包手足令温暖急服五味子湯或兼與麻黃細辛甘草厥逆心湯之類服之晡時必大汗而解矣

下或怔忡茯苓甘草令水通先宜治水後治厥慮水漬入脾胃中前集云厥逆心下怔忡者宜先治水當服茯苓甘草湯却治厥不爾手足俱冷脉乍結此是水漬入胃必下利也

邪氣結在胃心下煩滿飢不食芡帶吐之當見功前集云病在胃中當吐之宜芡帶散蓋病在胃中亦能令人手足厥但認脉乍結者是也結脉來緩時一更有一證名臟厥止復來曰結主胃滿煩燥

膚冷而躁無時歇厥至七日或八日醫者難

之憂命絕厥是下證反發汗其人口傷必赤爛又有失下氣不通下證悉具四逆現醫疑陰厥投熱藥禍如反掌可立見少陰發厥亦有熱醫者加意須分別筆列切四逆用散不用湯枳柴芍與薑附別反列切蓋厥雖陰下重利溺澁腹痛咳而悸所以用散貴其平以上諸證皆熱爾

吐長蟲

吐蟲出口是蚘厥此為陰證醫經說病人有



寒妄發汗汗後肌體仍前熱再汗胃冷及臟  
寒故令蟲逆上為孽煩止少時食復嘔理中  
烏梅病可絕理中丸  
烏梅丸

陰陽易

陰陽易病毒為重生者僅有死者衆男子體  
重熱衝胃腹內絞痛兼陰腫少氣眼花頭莫  
舉百節解離不能動婦人得之必裏急腰勝  
牽攣腹中痛燒禪鼠糞竹皮湯薑朮竹茹宜  
選用前集云陰陽易病皆死亦有引歲月不  
死燒棍散猴鼠糞湯竹皮湯乾薑湯青

竹茹湯當歸白  
朮湯可選用之

汗下二證

汗下先當審實虛邪氣流傳有疾徐三日內  
汗外卽下此非活法難信書日少沉數下而  
愈日多浮大汗以甦或不傳經首尾一或傳  
一二不可拘邪氣之來自背侵或入太陽或  
少陰或面感之陽明入宜憑脉證細推尋過  
日脉見浮數太用藥發汗可立差其人脉實  
宜下之如或誤汗卽危殆始病脉卽細沉數

腹滿咽乾渴或作此證屬裏下必愈但熱脉  
 沉下則錯須投麻黃附草湯麻辛附子始安  
 樂前集云古人云未滿三日可汗已滿三日  
 有表證而脉浮者猶宜發汗日數雖少若有  
 裏證而脉沉者即宜下之又况六氣之邪乘  
 虛入經自背得之則入太陽或少陰白面  
 感之則入陽明之類不必皆始於太陽兼寒  
 邪有首尾只在經或間傳一二經不可云  
 一理推但據脉與外證治之此活法也又云  
 傷寒過日脉尚大浮數按之不足者尚責太  
 陽也可發汗而愈若按之實者汗之必死須  
 下之而愈也若始得病脉細沉數外證或腹  
 滿咽乾或口燥舌乾而渴為正責屬裏可下  
 之而愈若無此證但發熱脉沉者候下必死  
 軍行麻黃附子甘草湯麻黃細辛附子湯小

發汗此皆仲  
 景之論也

陰陽虛盛

陰盛陽虛外寒冽陰虛陽盛內必熱汗下之  
 藥儻一誤表裏倒置生死決榮衛為表而屬  
 陽感邪身熱惡寒涼尺寸浮大內不躁設有  
 微煩或欲湯此為陽虛陰氣盛汗之則愈下  
 則亡陰極變陽生熱氣熱毒入裏來居胃熱  
 躁譫語不惡寒水液乾涸有燥屎脉浮滑數  
 或洪實盖自寒邪薄榮衛此為陽盛氣陰虛



下之則生汗則死

病合和解忌大汗

病合和解脉中見盖緣所感有深淺麻黃桂枝大青龍此是病深正發汗有合解利和其表白虎柴桂青龍小桂二越一小柴胡桂麻各半俱可療前集有云有正發汗湯劑如麻黃湯桂枝湯大青龍湯是也和解其表如小青龍湯桂枝麻黃各半湯白虎湯桂枝二越婢一湯柴胡桂枝湯小柴胡湯之後人不曉大汗之縱或生全氣血耗百病從之人益羸蓋藥殺之非命天

醫方類聚卷之三十二